

玉海



040
1000 11
34826

PDG

玉海卷第四十

浚儀王應麟伯厚甫

藝文

春秋

杜預曰春秋魯史記之名記事者以事繫日以日繫月以月繫時以時繫年所以紀遠近別同異也故史之所記必表年以首事年有四時故錯舉以爲所記之名周禮有史官掌邦國四方之事達四方之志諸侯亦各有國史大事書之於策小事簡牘而已周德旣衰官失其守諸所記注多違舊章

仲尼因魯史成文考其真僞而志其典禮上以遵
周公之遺制下以明將來之法蓋周公之志仲尼
從而明之何休曰夫子之作春秋將以變周之文
從先代之質范甯曰平王東遷周室微弱王道盡
矣夫子傷之乃作春秋所以明黜陟著勸戒成天
下之事業定天下之邪正使夫善人勸淫人懼胡
安國曰春秋乃史外傳心之要公好惡則發乎詩
之情酌今古則貫乎書之事與常典則體乎禮之
經本忠恕則導乎樂之和著權制則盡乎易之變
學經以傳爲按則當閱左氏玩辭以義爲主則當

習公穀

漢一十三家春秋 四家 公羊穀梁外

傳

藝文志

春秋二十三家九百四十八篇

省太史公四篇

古經

十二篇經十一卷

公羊穀梁二家

左氏傳三十卷

丘明魯而

而

左氏微二篇國語二十一篇新國語

劉向分

五十四篇

皆左氏之學也公羊傳十一卷

高齊人

外傳五十篇章

句三十八篇雜記八十三篇

公孫弘傳云春秋雜記

顏氏記十

一篇董仲舒治獄十六篇皆公羊之學也穀梁傳十

一卷

赤魯人

外傳二十篇章句三十二篇皆穀梁之學

也鄒氏夾氏傳皆十一卷有錄無書

公穀立學官鄒氏無師夾氏未

有書鐸氏微三篇史記諸侯表云楚桓王大傳鐸椒爲

王不能盡觀春秋採取成敗爲四十章者也虞氏微

傳二篇劉向別錄云左丘明授曾申曾申授吳起吳

起授其子期期授楚人鐸椒鐸椒作抄撮八卷授虞

卿虞卿作抄撮九卷授荀卿荀卿授張蒼者也又有

張氏微十篇議奏三十九篇

微謂釋微指

若世本十五篇

戰國策三十三篇秦奏事二十篇楚漢春秋九篇太

史公百三十篇

十篇有錄無書

馮商續七篇太古以來年紀

二篇漢著記百九十卷終於漢大年紀五篇皆史官

所記春秋之流也。王者世有史官，左史記言，右史記事。事爲春秋言，爲尚書。仲尼以魯周公之國，史官有法，與左丘明觀史記，據行事，有褒貶，不可書見口授。子弟退而異言，丘明論本事，作傳明夫子不以空言說經也。末世口說流行，故有公羊穀梁鄒夾之傳。四家之中，公羊穀梁立於學官。

漢春秋古經 古文春秋

志 見上

周禮注

卣宗

古文春秋經公即位爲公卽

立正義。古文春秋者，漢魏文志云：春秋古經十二卷，是此古文經所藏之書。文帝除挾書律，此本然後行。

於世

史記

吳太伯世家余讀春秋古文

自序余

聞之董生春秋文成數萬其指數千注張晏曰春秋

萬八千字

正義

左氏丘明所修皆古文舊書多者

二十餘通藏於秘府伏而未發漢武帝時河間獻左氏及古文周官成帝時劉歆校秘書見府中古文春秋左氏傳大好之傳多古字古言學者傳訓詁而已及歆引傳文釋經轉相發明

說文序孔子書六經

左丘明述春秋傳皆以古文

禮記正義案古春秋

左氏說周家封夏殷之後以爲上公

公羊傳莊七

年四月不脩春秋曰雨星不及地尺而復君子脩之

春秋

曰星實如雨注不修春秋謂史記也古者謂史記爲

春秋疏據此傳則孔子未修之時已謂之春秋

正義春秋

禮坊記云魯春秋記晉云云皆在孔子之前行書記年三事與魯史同唯鄭棄其師出瑣語晉春秋多是

古文仲尼修經皆約策書成文丘明作傳博采簡牘

衆記穀梁疏鄭衆賈逵之徒以爲仲尼修春秋約

之以周禮聘禮疏服虔注左氏云古文篆書一簡

八字左傳正義鄭玄注論語序以鉤命決云春秋

二尺四寸書之

五傳

漢藝文志見上春秋分爲五注韋昭曰謂左氏公羊

穀梁鄒氏夾氏

左氏

正義

太史公十二諸侯年表序云自孔子論

史記次春秋七十子口受其傳魯君子左丘明懼
妄意失真故具論其語成左氏春秋沈氏云嚴氏
春秋引觀周篇云孔子將修春秋與左丘明乘如
周觀書於周史歸而修春秋之經丘明爲傳藝文
志云左丘明魯史也是言丘明爲傳以其姓左故
號爲左氏傳也或先經以始後經之事或後經以
終前經之義或依經以辨理或錯經以合異

傳之經有無經之傳

漢儒林傳

又見後

漢興張

蒼賈誼張敞皆修春秋左氏傳

隋志左氏漢初出於張蒼之家正

義漢武時河間獻左氏

誼爲訓故授趙人賈公子長卿授張

禹非成帝時張禹

禹爲蕭望之言左氏望之薦禹徵待詔

授尹更始更始傳子咸及翟方進胡常常授賈護

護授陳欽而劉歆從尹咸及方進言左氏者言左

氏者本之賈護劉歆

劉歆言左丘明好惡與聖人同親見夫子公羊穀梁在七

十二子之後

後傳建武中鄭興陳元傳左氏學

詳見春秋博士

史通丘明授經立傳廣苞諸國蓋當時

有周志晉乘鄭書楚杌等篇聚而編之混成一錄

向使專憑魯策獨詢孔氏何以能殫見洽聞若斯

之博 公羊疏左氏先著竹帛漢時謂之古學平
帝時立學官 啖氏曰左氏比二傳其功最高傳
采諸家叙事尤備 呂氏曰左氏於定哀之間載
孔子之事皆傳聞失實本不曾登聖門 王安石
疑左氏六國時人者十一事

公羊

戴宏序子夏傳與公羊高

穀梁疏公羊子名高齊人受經于子

夏孝經說云春秋屬商是也
吳兢書目公羊高乃子夏弟子

高傳子平平傳子

地地傳子敢敢傳子壽至漢景帝時壽乃共弟子

齊人胡母子都著於竹帛與董仲舒皆見於圖讖

疏公羊者子夏口授公羊高五世相授漢
景帝時公羊壽共弟子胡母生乃著竹帛

儒林

傳漢興言春秋於齊則胡母生於趙則董仲舒胡

母生與仲舒同業齊之言春秋者宗事之公孫弘

亦頗受焉武帝尊公羊家由是大興胡母生弟子

臯公授孟卿眭孟眭孟授嚴

本姓莊

彭祖顏安樂由

是有嚴顏之學彭祖授王中中授公孫文東門雲

安樂授陰豐任公有陰任之學

六藝論云云安樂弟子陰豐劉向王

彥彥一作亥

疏廣寧孟卿授筦路貢禹事臯公授堂溪

惠惠授真都有筦真之學

後傳

見春秋博士

又唐檀

習顏氏馬宮治嚴氏射策甲科郅惲治嚴氏李育

習嚴氏陳重學顏氏

隋志

公羊公十二卷嚴彭

祖譔公羊解詁十一卷漢諫議大夫何休注

董仲舒四

傳至何休 休自謂本胡母生條例

疏左氏漢時謂之古學公羊

漢世乃興故謂之今學許慎五經異義云古者左

氏說今者公羊說是也

穀梁

吳兢書曰秦孝公時人

出糜信注

楊士勛疏穀

梁子名俶

一云名叔

字元始魯人一名赤

阮孝緒亦以爲名俶字元

始

風俗通穀梁名赤子夏弟子

顏師古曰名

喜受經于子夏爲經作傳傳孫卿卿傳申公申公

傳江翁 儒林傳瑕丘江公受穀梁於魯申公傳

魯榮廣皓星公受焉蔡千秋周慶丁姓皆從廣受

重帝與穀梁擢千秋爲諫大夫尹更始事千秋

矣左氏傳爲童句傳子咸及翟方進房鳳江傳士

授胡常常授蕭秉君有尹胡申童房氏學隋志

梁有穀梁傳十五卷漢諫大夫尹更始撰漢儒乘

註氏更始疏景帝好公羊胡毋之學興仲舒之

義立宣帝善穀梁千秋之學起劉向之意存按

漢人以公穀爲末世口說流行之學見於其書者

又有尸子魯子高子子司馬子子沈子子女子北

宮子之流葉氏曰公羊穀梁受學於子夏出於

識緯之書所謂說題辭者其言不經見

鄒氏

王吉傳言通五經能為騶氏春秋

范升傳

奏曰春秋之家又有騶夾

夾氏

漢志鄒氏無師夾氏未有書

史記正義七

錄云建武中鄒夾氏皆絕

隋志王莽之亂鄒氏

無師夾氏亡

孝經序學開五傳注鄒氏傳十二

卷夾氏傳十一卷

穀梁疏五家之傳鄒氏夾氏

口說無文師既不傳道亦尋廢

漢春秋博士 講郎

需林傳贊武帝立五經博士春秋唯有公羊孝宣立

梁

後儒林傳公羊顏嚴穀梁三家皆立博士

武之十四博士春秋嚴顏

嚴彭祖

左氏

漢傳河間獻王立春秋左氏博士劉歆欲列

學官哀帝令歆與博士講論其義博士不肯置對

歆移書責之平帝時立左氏

後傳陳元傳左氏

爲訓詁建武初議欲立左氏傳博士

尚書

升奏左氏淺末不宜立

升傳四年正月朝見

相傳又無其人魏彪氏失軌元上疏曰武帝

元

好公羊衛太子好穀梁有詔太子受公羊不得受

穀梁孝宣爲石渠論而穀梁氏興至今與公羊立

存先後所立不必相因升辨難凡十餘上帝卒立

左氏學太常選博士四人元為第一帝用其次李
封封卒左氏復廢賈逵建初元年奏曰光武奮
獨見之明興左氏穀梁二家先師不曉圖讖故令
中道而廢帝令逵自選嚴顏諸生高才者二十人
教以左氏

章紀八年十二月戊申選高才生受

左氏穀梁以扶微學廣異義

公羊

儒林傳

兼用

齊胡毋生為景帝博士與董仲

舒同業仲舒孝景時為博士公孫弘亦頗受焉為博士莊孟
授嚴彭祖顏安樂彭祖為宣帝博士疏廣事孟知
為博士

後傳下蔡周遷甄字習嚴氏建武間為

博士張玄少習顏氏兼通數家法會顏氏博士闕
玄試策第一拜博士諸生言玄兼說嚴氏宣氏不
宜專爲顏氏博士李育習公羊春秋拜博士建初
四年論白虎以公羊義難賈逵

穀梁

傳瑕丘江公受穀梁於魯申公傳子至孫爲

博士宣帝善穀梁說以江公孫爲博士周慶丁姓
皆爲博士

侯霸事房元爲都講
申章昌爲博士

魏志黃初五年

四月置穀梁博士

隋志晉時穀梁范甯注公羊何休注左氏服虔杜預
注俱立國學至隋杜氏盛行服義及公羊穀梁浸微

今殆無師說

晉王接傳謂左氏辭義瞻富自是一家書不主爲經

發公羊附經立傳經所不書傳不妄起

於文爲儉通經爲長

荀崧傳左丘明張本繼末發明經意多奇偉公羊高親受子夏辭義清雋斷決明審穀梁赤師徒相傳文清義約是以三傳並行莫能孤廢左氏疏賈逵上

春秋大義四十條以抵公穀又與左氏作長義至鄭康成鍼膏肓發墨守起廢疾自此以後二傳遂微左

氏學顯

何休序曰賈逵緣隙奮筆以爲公羊可奪左氏可與

公羊疏賈逵作長

義四十一條云公羊理短左氏理長鄭衆亦作長義

十九條十七事專論公羊之短左氏之長在達之前
戴宏作解疑論何氏作墨守以距長義以強義爲廢
疾以難穀梁造膏肓以短左氏蓋在注傳之前
穀
梁疏鄭玄六藝論云左氏善於禮公羊善於識穀梁
善於經

漢春秋蕃露

董仲舒傳所著皆明經術之意及上疏條教凡百二
十三篇志儒家而說春秋事得失間舉玉杯蕃露清明
竹林之屬皆所著書名復數十篇十餘萬言皆傳於後世

仲舒下帷發憤潛心大業令後學者有所統壹爲群

儒首 唐志仲舒春秋繁露十七卷

七錄隋志同

崇文

目十七卷其書八十二篇義引宏博然篇第亡舛無以是正又卽用玉杯竹林題篇疑後人取而附著云

晁氏志史稱仲舒說春秋數十篇今益而爲八十

二篇又通名繁露未詳

陳氏曰通典御覽所引皆今書所無

中興書

目十卷繁露之名先儒未有釋者案逸周書王會解

天子南面立絕無繁露注云冕之所垂也有聯貫之

象春秋屬辭比事仲舒立名或取諸此 西京雜記

仲舒夢蛟龍入懷乃作春秋繁露 古今注牛亨問

崔豹繁露者何曰綴玉而下垂如繁露也則繁露古

冕之旒似露而垂 史記上大夫董仲舒推春秋頗

著文焉索隱曰繁露 禮大司樂注董仲舒云成均

五帝之學疏出繁露以爲繁多露潤 後漢書明德

馬后紀尤善周官董仲舒書注玉杯蕃露清明竹林

之屬 禮儀志注繁露曰大旱雩祭而請雨 郎顛傳注亦引

之 與服志注繁露曰劔之在左蒼龍之象 通典亦引之

志又引止雨書 通鑑外紀繁露曰推神農以爲九皇 太

平御覽寰宇記皆引繁露春秋會解所引十三條

景祐四年四月歐陽修書其後云今其書纔四十篇

又總名繁露失其真也館中見有八十餘篇多錯亂

重復民間獻三十餘篇其間數篇在八十篇外董生
儒者其論深極春秋之旨然惑於改正朔而云王者
大一元者牽於其師之說不能高其論以明聖人之
道 慶曆七年二月樓郁序曰公羊之學後有胡毋
子都仲舒治其說 程大昌曰館本十七卷紹興間
董 所進通以繁露冠書而玉杯清明竹林特各居
篇卷之一有垂旒凝露之象王杯竹林同爲託物漢
魏人爲文名連珠其殆繁露之自出歟 天昌爲演繁
露十四卷又續六卷

樓鑰曰潘景憲本有八十二

篇說文引仲舒在王道通三第四十四篇傳中對越

三仁之問朝廷有大議使使者及廷尉張湯就其家

問之求雨止雨三策仁愛陰陽德刑之類皆在書中

又有言曰不由其道而勝不由其道而敗真得夫子

心法 八十二篇始楚莊王終天道施 三篇闕王杯第二竹林

一卷 楚莊王王杯 二竹林 三王英精華 四王道 五滅

國上下隨本消息盟會要正貫十指重政 六服制象

二端符瑞俞序離合根立元神保位權 七考功名通

國身三代改制一作文質官制象天堯舜湯武服制

八序制爵國仁義法必仁且知 九身之養對膠西合

作江都觀德奉本 十深察名號實性諸侯 行闕文

二篇十一

爲人者天五行之義陽尊陰卑王道通三

天容天辨在人陰陽位

十二

陰陽終始陰陽義陰陽

出入天道無二暖煥執多基義闕文一篇

十三

四時

之副人副天數同類相動五行相勝相生五行逆順

治水五行

十四

治亂五行五行變救五行五事郊語

十五

郊義郊祭四祭郊祀順命郊祀對

十六

執贄山

川頌求雨止雨祭義循天之道

十七卷

天地之行威

德所生如天之爲天地陰陽天道施第八十二王抔

竹林二篇之名未有以訂之

仲舒對策云孔子作春秋先正王而繫以萬事見

王之文焉 仲舒曰詩無達詁易無達吉春秋無達辭

漢春秋決獄

志儒家董仲舒百二十三篇春秋有公羊董仲舒治獄十六篇 隋志仲舒春秋決事十卷 唐志法家

仲舒春秋決獄十卷

黃氏正

前傳淮南衡山反使

仲舒弟子呂步舒治淮南獄以春秋議顛斷於外不請注應劭曰仲舒居家朝廷每有政議遣廷尉張湯問其得失於是作春秋決獄二百三十二事動以經對言之詳矣

繁露曰春秋之聽獄也必本其事而原其志

史記正義七

錄曰春秋斷獄五卷 崇文目春秋決事比十卷

論衡董仲舒表春秋之義稽合於律無乖異者 鹽

鐵論春秋之治獄論心定罪志善而違於法者免志惡而合於法者誅

終軍詰徐偃 雋不疑論衛太子 龔勝議朱博

中丞衆奏薛況

漢左氏訓故 章句 條例 左氏國語

解詁 經傳義詁 長經 釋例 三家

經本訓詁

前儒林傳

又劉歆傳

漢興北平侯張蒼及梁太傅賈誼張

敞劉公子皆修左氏傳誼爲訓故授趙人貫公爲河
間獻王博士尹更始受左氏傳取其變理合以爲章
句傳子咸及翟方進房鳳鳳與劉歆共校書歆校秘
書見古文左氏傳好之時尹咸治左氏共校經傳歆
畧從咸及方進質問大義初學者傳訓故而巳及歆
引傳文解經由是章句義理備焉歆曰春秋左氏可
立哀帝納之以問諸儒皆不對唯房鳳玉龔許歆共

移書責太常博士

正義云鄭興父子及歆創通大義
奏上左氏始得立學遂行於世

鄭興傳從歆講正大義歆使撰條例章句傳詁言左
氏者多祖於興子衆作春秋難記條例

又作春秋刪

隋

志衆撰左氏條例九卷 唐志衆牒例章句九卷

陳元傳父欽事賈護元傳父業爲之訓詁

見上

賈逵傳九世祖誼父徽從劉歆作左氏條例二十一

篇逵兼通五家穀梁之說尤明左氏傳國語爲解詁

五十一篇

左氏三十篇國語二十一篇

永平中上疏獻之顯宗重

其書寫藏秘館建初元年詔入講左氏傳使出左氏

大義長於二傳者逵具條奏擿出三十事其餘同公

羊者什七八左氏義深君父公羊多任權變且五經

家無以證圖讖明劉氏爲堯後者左氏獨有明文帝

嘉之令選公羊嚴顏諸生二十人教以左氏與簡紙

經傳各一通

竹簡及紙也

八年詔選高才生受左氏達所

著經傳義詁及論難百餘萬言

詩疏引賈逵注左傳

隋志春秋

秋釋訓一卷左氏經傳朱墨列一卷逵撰春秋左氏

長經二十卷漢侍中賈逵章句左氏解詁三十卷春

秋二家經本訓詁十二卷

宋有二家經二卷亡唐志無經本二字

注外

傳國語二十卷

唐志逵左氏長經章句二十卷

李育傳習公羊作難左氏義四十一字與諸儒論焚

白虎觀以公羊義難賈逵

何休追述育義難二傳

穎容傳善春秋左氏著條例五萬餘言

隋志春秋

釋例十卷

唐志七卷

漢公車徵士穎容撰

正義引穎氏詩疏引穎子容

釋例云大廟有八名其體一也

范曄論曰鄭賈之學爲諸儒宗桓譚以不善識流亡

鄭興以遜辭僅免賈逵能附會文致最差貴顯世主

以此論學悲哉

正義引逵春秋序其處者爲劉氏深疑此句或非本旨蓋左氏不顯於

世先儒無以自申挿注比辭將以媚於世又彈劉賈先儒云劉賈許穎旣不守例又亦不能盡通五雉九扈引賈逵云

漢春秋議

前儒林傳武帝時董仲舒通五經能持論江公啗於

口治穀

梁治穀上使與仲舒議不如仲舒而丞相公孫弘本

爲公羊學比輯其議卒用董生上因尊公羊家詔大

子受之榮廣傳春秋於江公與公羊大師睦孟等論
數困之

隋志

何休春秋漢議十三卷鄭玄駁何氏

漢議二卷梁有服虔漢議駁二卷

唐志十一卷

又有孔融

春秋雜議難五卷麋信理何氏漢議二卷

魏人春秋

議十卷

何休

唐志何休漢議十卷鄭玄駁麋信注

後傳何休以春秋駁漢事六百餘條妙得公羊本
意服虔又以左傳駁何休所駁漢事六十條

漢殿中議公穀同異

儒林傳宣帝聞衛太子好穀梁問韋賢夏侯勝史高
皆魯人言穀梁本魯學公羊乃齊學也宜興穀梁自

元康中始講

授郎十人

至甘露元年積十餘歲皆明

習召五經名儒太子太傅蕭望之等大議殿中平公
穀同異時公羊嚴彭祖申輓伊推宋顯許慶穀梁尹
更始劉向周慶丁姓王亥議三十餘事望之等十一
人各以經誼對多從穀梁

漢春秋左氏圖

隋志十卷漢太子太傅嚴彭祖撰

唐志七卷止
云春秋圖

又古

今盟會地圖一卷

亡

冥氏春秋

禮冥氏注鄭司農云冥讀爲冥氏春秋之冥疏冥氏

春秋者冥氏作春秋書名若晏子呂氏春秋之類

漢儒林傳堂谿惠授泰山冥都疏廣授琅邪筦路

路事顏安樂

故顏氏有筦冥之學

春秋五始

王褒傳春秋法五始之要在審巳正統

師古曰元者氣之始春者

四時之始王者受命之始正月者正教之始公卽位者一國之始

胡廣曰五始一

曰元二曰春三曰王四曰正月五曰公卽位

漢定春秋章句

公羊

春秋外傳

旨義

傳鍾興受嚴氏春秋光武詔令定春秋章句去其復重以授皇太子又使宗室諸侯從興受章句

樊儵

刪定公羊嚴氏章句號樊侯學 張霸以樊儵刪嚴

氏春秋猶多繁辭減定爲二十萬言更名張氏學儵與

並師丁恭光武召見典問經義遷左中郎將 楊終著春秋外傳十二篇

改定章句十五萬言 北海敬王睦顯宗時作春秋

旨義終始論 隋志漢末郝萌集圖緯讖雜占爲五

十篇 十五卷 謂之春秋災異

漢春秋刪

鄭衆傳從父興受左氏春秋肅宗時受詔作春秋刪

十九篇 孔奮傳從劉歆受左氏春秋子奇作左氏

刪 刪定其義 嘉作左氏說

漢五家穀梁說 章句

賈逵傳能誦左氏傳雖爲古學兼通五家穀梁之說

注尹更始劉向周慶丁姓王亥見前書 前儒林傳

尹更始事蔡千秋又受左氏傳取其變理合者爲章

句隋志十五卷 梅福傳明穀梁春秋

漢公羊解詁 條例

何休傳作公羊解詁覃思不闕門十有七年又註訓

孝經論語風角七分與其師博士羊弼追述李育之

意以難二傳作公羊墨守言不可攻如墨翟左氏膏

肅十卷 穀梁廢疾三卷 鄭玄傳乃發墨守鍼膏肅起

廢疾休見而歎曰康成入吾室操吾矛以伐我乎

始休

答賈逵事因記左氏之短康成箴附逐章之下

詩

正義引鄭箴膏育明堂位疏引發墨守議膏育

守

隋志公羊解詁十一卷

漢諫議大夫何休注

唐志

十三卷公羊

左氏膏育十卷

崇文目第九卷

中

公羊

墨守十四卷

唐志

公羊謚例一卷梁有公羊傳條例

一卷並何休撰穀梁廢疾三卷何休撰鄭玄釋張靖

箋

穀梁疏案鄭釋廢疾張靖策廢疾

左氏膏育釋病十卷服虔撰

唐志

卷二

序畧依胡母生條例隱括就繩墨講誦師言至

於百萬猶有不解

疏莊頌

疏胡母生本雖以公羊

經傳授董氏猶自別作條例故何氏取之 荀爽傳

著春秋條例作公羊問反辨識 隋志公羊傳問荅九卷荀爽問徐欽荅公

羊論二卷晉庾翼問王愨期荅 劉陶傳 詔次第春秋條例 蜀志

孟光好公羊而譏呵左氏 吳志 唐固爲公羊穀梁

傳注 又國語注 晁氏志 董仲舒以公羊顯又四傳

至何休鄭玄曰公羊善於識伏注引識最多公羊疏

三十卷徐彥撰以何氏三科九旨爲宗本其說曰何

氏之意三科九旨正是一事爾總而言之謂之三科

析而言之謂之九旨新周故宋以春秋當新王此一

科三旨也所見異辭所聞異辭所傳聞異辭此二科

六旨也內其國而外諸夏內諸夏而外夷狄此三科九旨也

何氏作文謚例云此春秋五始三科九旨七等六轉二類之義三科九旨見上五始者元年春王正月公

卽位是也七等者州國氏人名字子是也六輔者公輔天子卿輔公大夫輔卿士輔大夫京師輔君諸夏輔京師是也二類者人事與災異是也 宋氏注春

秋三科者一曰張三世二曰存三統三曰異外內九旨月一曰時二曰月三曰日四曰王五曰天王六曰天子七曰譏八曰貶九曰絕時與日月詳畧之旨也

王與天王天子是錄遠近親疎之旨也譏與貶絕則輕重之旨也按三統曆云春爲陽中萬物以生秋爲陰中萬物以成故名春秋欲使人君動作不失中也晁說之曰何休持負於公羊之學五始三科九旨七等六輔二類七缺之設何其紛紛邪旣曰据百二十國寶書而又謂三世異辭何耶

春秋說云有七缺夫婦君臣父子禮

漢三傳異同說

馬融傳融欲訓左氏春秋及見賈逵鄭衆注乃曰賈君精而不博鄭君博而不精旣精且博吾何加焉但著三傳異同說

漢左氏解詁 達義

隋志左氏傳解詁三十一卷九江大守服虔注左氏膏肓釋痾十卷春秋成長說九卷塞難三卷服虔撰梁有左氏達義一卷漢司徒掾王玠撰左氏傳三十卷王肅注董遇章句三十卷孫毓義注十八卷又賈服異同畧五卷王朗注十二卷漢諸儒傳左氏者甚衆賈逵服虔並爲訓解至魏遂行於世晉時服虔注俱立國學而唯傳服義至隋杜氏盛行服義浸微正義中興以後陳元鄭衆賈逵馬融延篤彭仲博許惠卿服虔穎容之徒皆傳左氏魏世則王肅董遇爲

之注

正義多引服說
虔云 虔解誼其文甚煩

劉炫難服

後漢傳服虔作

春秋左氏傳解行之至今又以左傳駁何休之所駁

漢事六十條

儒林

謝該明春秋左氏建安初樂詳

條左氏疑滯數十事問謝該皆爲通解之名謝氏釋

魏畧云今左氏樂氏問
七十二事撰所廣也

延篤從唐溪典受左氏論

解經傳多駁正後儒服虔等以爲折中 鄭玄通公

羊又從張恭祖受左氏

馬嚴通左氏

孔喬學左

氏 蜀志尹默傳益部多貴今文不崇章句默從司

馬德操朱仲子等受古學皆通諸經史又專精於左

氏春秋自劉歆條例鄭衆賈逵父子陳元服虔注說

咸畧誦述

北齊書姚文安難服虔解七十七條名

曰駁安李崇祖申明服氏名曰釋謬

漢國語解詁 見上

賈逵傳爲國語解詁二十一篇

隋志春秋外傳國

語二十卷賈逵注

唐已亡 鄭衆作國詩章句亡其爲數

唐志王義

國語章句二十二卷唐固虞翻韋昭注孔晁解各二

十一卷

吳韋昭集鄭賈虞唐四家爲注

史通左丘明旣爲春秋內

傳 韋昭注國語謂左傳爲內傳

又稽逸文纂別說分周魯齊晉趙

楚吳越八國事起周穆王終魯悼公爲外傳國語

十一篇

書目云其文以方內傳或重出而小異

左傳正義傳玄云國

語非丘明所作有共說一事而二文不同 吳志注

沈疇尤善春秋內外傳 唐志雜家類晉孔衍春秋

時國語十卷春秋後國語十卷唐盧藏用春秋後語

十卷唐柳宗元非國語二卷 劉瓛外傳見竹書

紀年 宋庠補音三卷 治平元年上之二月二 劉

敞解駁左氏爲內傳國語十卷

漢書口左丘明爲傳又纂異同爲國語司馬遷據左

氏國語孔晁云左丘明集其典雅今辭與經相發

明者爲春秋傳其高論善言別爲國語

漢春秋圖緯

外傳魏朗字少英從博士邵仲信學春秋圖緯注孔

子作春秋緯十二篇黨錮賈逵永平中上言左氏

與圖讖合者寫傳詒藏之秘書荀爽作公羊問及

辨讖明紀永平八年十月壬寅詔日食之變其災

尤大春秋圖讖所爲至謹隋志梁有春秋緯二十

卷宋均注史記孔子曰我欲載之空言正義此春

秋緯文

春秋命歷序

詩生民疏緯候之書及春秋命歷序立五帝傳世之

事爲毛說者皆所不言鄭信讖緯以命歷序云少昊

傳八世顓頊傳九世帝嚳傳十世

春秋少陽篇

論語正義案春秋少陽篇伯夷叔齊姓名字謚
白虎通春秋文義曰天子之社稷廣五丈諸侯半之

魏春秋說要 二傳論

隋志春秋說要十卷魏樂平太守糜信撰春秋三傳
論十卷魏大長秋韓益撰 魏志孫叔然作周易春

秋例毛詩禮記春秋三傳國語爾雅諸註 蜀志李

譔著古文易尚書毛詩三禮左氏傳太玄指歸皆依

準賈馬異於鄭玄 吳志士燮耽玩春秋爲之注解

袁徽與荀彧書曰今欲條左氏尚書長義上之魏畧
鍾繇不好公羊而好左氏謂左氏爲太官而謂公羊
爲賣餅家數與嚴幹共辨折長短

晉經傳集解 釋例 長曆 盟會圖

隋志春秋左氏經傳集解三十卷杜預撰梁有服虔

卷唐志釋例十五卷梁有齊杜乾光左氏傳評二

卷音二卷杜預序集解一卷劉炫注梁有春秋古今盟

會地圖一卷杜預傳進爵當陽侯立功之後耽思

經籍爲春秋左氏經傳集解分經之年與傳相附又

參考衆家譜第謂之釋例又作盟會圖春秋長曆備

成一家之學比老乃成又撰女記讚祕書監摯虞曰
左丘明本爲春秋作傳而左傳遂自孤行釋例本爲
傳設而所發明何但左傳故亦孤行武帝謂預曰卿
有何癖對曰臣有左傳癖 亭傳或先經以始事或
經後以終義或依經以辯理或錯經以合異隨義而
發其例之所重其發凡以言例皆經國之常制周公
之垂法史書之舊章仲尼修之以成一經之通體其
微顯闡幽裁成義類者皆據舊例而發義指行事以
正褒貶諸稱書不書先書故書不言不稱書曰之類
皆所以起新舊發六義謂之變例然亦有史所不書

卽以爲義者此蓋春秋新意故傳不言凡曲而暢之
其經無義例因行事而言則傳直言其歸趣而已非
例也預專修丘明之傳以釋經經之條貫必出於傳
傳之義例總歸諸凡推變例以正褒貶簡二傳而去
異端蓋丘明之志也劉子駿創通大義賈景伯達父
子許惠卿淑皆先儒之美者穎子嚴容淺近亦名家
故舉劉賈許穎之遺以見同異正義云服虔之徒劣於此故不論分經
之年與傳之年相附比其義例各隨而解之名曰經
傳集解正義集解謂聚集經傳爲之作解別集諸例及地
名譜第層數相與爲部凡四十部十五卷皆顯其異

同從而釋之名曰釋例

正義云釋例終篇云補片者五十其別四十有九蓋以

第二凡其義不異故也釋例四十部無凡者十五終篇云諸凡雖是周公之舊典立明撮其體義約以爲

言非純寫故典之文也隋發傳之體有三發凡正志春秋五十七凡義疏二卷

意變例歸趣非例爲例之情有五微而顯志而晦婉而成章

盡而不汙懲惡而勸善左傳正義杜別集諸例從

而釋之事同則爲部小異則附出孤經不及例者聚

於終篇其四十部次第從隱即位爲首先有其事則

先次之唯世族土地事既非例故退之於後終篇宜

最處末故次終篇之前終篇處其終土地之名起於

宋衛遇于垂世族譜起於無駭地名在世族之前天

子之見於經者三十有二，稱天王者二十五，稱王者六，稱天子者一。梁諸儒爲左氏學者，皆以賈服義

難駁杜預凡一百八十條，王元規引證通析無滯著

春秋發題辭及義記十一卷，左傳音三卷，崔靈思左

氏經傳義二十二卷，左氏條例十卷。

大監中靈思申

服難杜，著左氏條義以明之。虞僧誕申杜難服世並

傳焉。靈思又有公毅文句義十卷。

後魏衛翼隆精

服氏學難杜氏六十三事，賈思同駁翼隆十餘條，互相是非積成十卷，詔下國學集諸儒考之。

晉春秋條例 牒例

劉實傳尤精三傳辨正公羊以爲衛輒不應辭以王

父命祭仲失爲臣之節又撰春秋條例二十卷隋

志春秋條例十一卷唐志十卷晉劉實撰經例十二卷方

範撰左傳例苑十九卷劉實等集解春秋序一卷春

秋序論二卷干寶撰干寶獨美左傳以三十卷之約

爲左氏義外傳注周易周官凡數十篇唐志劉實左氏牒例二十卷

晉春秋釋疑 春秋調人 左氏全綜

儒林傳汜毓合三傳爲解注撰春秋釋疑凡所述七

萬餘言 劉兆以春秋一經三家殊塗諸儒是非紛

然互爲讎敵乃思三家之異合而通之取周官調人

之義作春秋調人七萬餘言論其首尾使大義無乖不合者舉其長短以通之又爲春秋左氏解名曰全綜公羊穀梁解詁皆納經傳中朱書以別之又撰周易訓注及所讚述百餘萬言唐志劉兆三家集解十一卷隋志劉兆公穀集卷十二卷

晉王接注公羊

傳接謂公羊附經立傳經所不書傳不妄起於文爲儉通經爲長任城何休訓釋甚詳而黜周王魯大體乖矻且志通公羊而往往還爲公羊疾病接乃更注公羊春秋多有新義又撰烈女後傳七十二人喪亂盡失

長子愆期緣父本意更注公羊又集烈女後傳云

隋志

公羊傳十三卷

唐志一卷

晉散騎常侍王愆期撰

詩

鴈疏引王愆期注公羊云

梁有高龍注公羊十二卷孔衍集解十

四卷

正義按孔舒元公羊傳本云麟號爲而至爲孔子之作春秋

刁氏例序一卷

虞溥傳注春秋經傳

郭瑀傳

作春秋墨說孝經

錯緯

載記

石季龍遣國子博士詣洛陽寫石經校

中經于秘書國子祭酒龔熊注穀梁春秋列于學官

晉穀梁集解

范甯傳

甯字武子以春秋穀梁氏未有善釋遂沈思

積年爲之集解其義精審爲世所重旣而徐邈復爲

之注儒林傳徐邈撰正五經音訓所注穀梁傳見重於時隋志十二卷唐志又傳義十卷音一卷

隋志穀梁傳十二卷范甯集解傳例一卷甯撰

穀梁先有尹更始隋志梁有十五卷唐固十三卷麋信十二卷孔

衍十四卷江熙唐志二傳三卷段蕭十四卷張靖十一卷等十餘

家注解范甯以為膚淺乃商略名例為集解十二卷

例一卷隋志同 疏云范以所據別為例畧一百餘條甯子泰雍凱從弟邵

及其父注門生故吏商略同異撰諸子之言各記姓

名文中子范甯有志於春秋序曰左氏艷而富其失巫

穀梁清而婉其失短公羊辨而裁其失俗左氏有服

杜之注公羊有何嚴之訓 晁說之曰穀梁晚出於

漢因得監省左氏公羊之違畔而正之至其精深遠大者真得子夏之所傳范甯又因諸儒而博辨之申穀梁之志也其於是非亦少公矣非若征南一切申傳汲汲然不敢異同也晁公武曰三傳之學穀梁所得最多諸家之解范甯之論最善

隋志徐乾注十三卷胡訥集解十卷亡錄六十卷經典序程

闡十卷孔君指訓十卷張程孫劉四家集解四卷殘

闕劉兆公羊穀梁傳十二卷兆傳爲公羊穀梁解詁

晉春秋後語

見續春秋 唐志盧藏用春秋後語十卷

晉春秋博士

荀崧傳元帝踐阼

太興初

轉太常時左傳杜氏服氏各

置博士一人其公羊穀梁省不置崧上疏曰春秋公羊其書精隱明於斷獄穀梁簡約隱要孔子作春秋左丘明子夏造邾親受無不精究丘明撰所聞爲傳其書善禮多膏腴美辭張本繼末以發明經意信多奇偉儒者稱公羊高親受子夏立於漢朝辭義清俊斷決明審多可採用董仲舒之所善也穀梁赤師徒相傳暫立於漢時劉向父子猶執一家莫肯相從其書文清義約諸所發明或左氏公羊所不載亦足訂

正是以三傳並行博士宜各置一人以傳其學元帝
詔曰穀梁膚淺不足立博士餘如所奏見宋志魏
黃初五年四月置春秋穀梁博士

北史趙世業家有服氏春秋是晉世末嘉舊寫徐遵
明往讀之因手撰春秋義章為三十卷劉獻之三傳

畧例三卷李鉉撰定三傳異同唐志李鉉一傳
異同十二卷

齊

書末明八年晉安王子懋撰春秋例苑三十卷奏之

武帝敕付祕閣梁書劉之遴著春秋大意三傳同

異合三十事武帝詔荅曰丘明傳洙泗之風公羊宗

西河之學張蒼傳左氏賈誼襲荀卿源本分鑣指歸

殊致

隋志春秋五辯二卷梁五經博士沈宏撰春

秋三傳評十卷胡訥撰左傳述義四十卷劉炫撰

今存一卷
崇文目同

唐志梁簡文帝左氏傳例苑十八卷隋

劉炫攻昧十二卷規過三卷正義引劉述議三十七

卷辛惠源集注春秋三傳三十卷

唐六十六家春秋

藝文志春秋六十六家一百部一千一百六十三卷

始於左丘明外傳國語次董仲舒繁露終於楊士勛

穀梁䟽失姓名五家左氏之學有賈逵董遇王肅王

朗杜預鄭衆穎容劉寔服虔孫毓梁簡文殷興何始

真張冲孔穎達之屬公羊之學有董仲舒嚴彭祖何
休孔氏王愆期之屬穀梁之學有尹更始段肅唐固
麋信張靖程闡孔衍范甯徐乾徐邈沈仲義蕭邕江
熙楊士勛之屬三傳則有劉兆韓益胡訥潘叔度李
鉉之學國語則有王肅唐固虞翻韋昭孔鼂之學又
有士燮之注經干寶之義傳吳略之詭例京相璠顯
啓期之地名大夫譜王延之李謚之旨通叢林崔靈
恩沈宏文阿之義解義畧劉炫之攻昧規過及答問
辭苑辨證義難之流不著錄者始於王玄度注左氏
傳左氏有纂要集傳義疏音注序釋疑事類公穀有

總例以三傳名書有異同指要總例以春秋名書有
後語振滯通圖集注集傳纂例微旨辨疑加減指掌
指元通例折衷義鑑而終以柳宗元非國語凡二十
二家四百三卷 隋志九十七部九百八十三卷
崇文目三十三部三百九十六卷 中興目一百二
十三家一千四百八十卷 續書目十八家二十部
四百卷

唐春秋正義

志春秋正義三十六卷孔穎達谷那律楊士助朱長
才奉詔撰馬嘉運王德韶蘇德融隨德素等對趙弘

智覆審

永徽四年二月二十四日

序曰：前漢傳左氏者有張蒼

賈誼尹咸劉歆後漢有鄭眾賈逵服虔許惠卿等各

有詁訓然雜取公穀以釋左氏晉杜元凱爲集解專

取丘明之傳以釋孔氏之經晉宋傳授以至于今爲

義疏者有沈文何蘇寬劉炫沈氏於經傳極踈蘇氏

唯旁攻賈服劉炫實爲翹楚而性好非毀規杜氏之

失凡一百五十餘條然比諸義疏猶有可觀今據以

爲本其有踈漏以沈氏補焉

宋淳化七年十月孔維等校正上之

志

又有楊士勛穀梁疏十二卷徐文遠左傳義疏六十

卷書目穎達參劉沈之說兩義俱違則斷以己意

崇文目春秋正義三十六卷穀梁公羊疏各三十

卷

公羊疏不知撰人或云徐彥撰邢昺等是正書目同

隋志沈文何左氏

經傳義畧二十五卷王元規續十卷

經典序錄云梁沈文何撰春秋

義疏闕下秩陳劉炫左傳述義四十卷

唐春秋通例

韓滉傳治易春秋著通例及天文事序議各一篇

著春秋通例及天文事序議各一卷

志韓滉春秋通一卷陸希聲春

秋通例三卷

因三卷之例裁正以通聖人之旨崇文目卷同

唐春秋集傳纂例

啖助傳善爲春秋考三家短長縫裱漏闕號集傳

十年乃成復攝其綱條爲例統門人趙康陸質其高

弟也

質本名法

質與其子異哀錄助所爲春秋集注總例

請康損益質纂會之號纂例

志陸質集注二十卷

兼例十卷

序云啖氏製統例分疏通會其義趙氏損益多所發揮今纂而合之凡四十篇微

旨二卷

書目微

辨疑七卷

辨疑揀三家得失訂以啖旨三卷起之說微旨頗采三傳舊

以聞於師者斷其當否每一篇必稱淳聞於師曰

柳宗元謂明章大中發露公器其道以堯舜爲的樊宗師集傳十五卷

會要正元十

年給事中陸質著集注二十卷類禮二十卷君臣

事共三十五卷上之

唐春秋義統

黃翰晉下六字

百春秋闡微纂類義統十卷皇朝章拱之作春秋

御序趙氏集啖氏統例集注二書及已說可以例舉

四闡微義統十二卷第三四卷亡逸今本同趙康

兩循國史志同

文中子世家王述著春秋義統

唐春秋纂要 經傳要畧 御集列國經

傳

高重春秋纂要四十卷重士廉五代孫文宗時翰

侍講學士帝好左氏春秋命重分諸國各爲書別

右經傳要畧經解類高重經傳西畧畧十卷會要同許康佐集左氏傳三

卷二作文宗御集

實錄太和九年四月癸亥許

康佐進纂氏左氏傳三十卷五月乙巳朔以御集左氏列國經傳三十卷宣付史館 會要大和九年五月御集春秋左氏列國經傳三十卷

唐春秋摘微

書目盧仝春秋摘微一卷十二公凡七十六事 晁氏志唐盧仝春秋摘微四卷其經解不用傳然旨意甚踈韓愈謂獨抱遺經究終始蓋實錄也祖無擇得之於金陵 崇文目不載

唐三傳異同

會要元和四年四月給事中馮伉著三傳異同三卷

志馮伉三傳異同三卷李氏三傳異同例十三卷

開元中失名 劉軻三傳指要十五卷 序云先儒以春秋之有三傳若

天之有三光 會三家 必當之言列于經下

唐春秋加減

志一卷元和十三年國子監修定 書目一卷 崇文目同

訂正左氏句讀字畫訛舛

唐三傳總例 九經師授譜 春秋通例

韋表微傳敬宗時為翰林學士遷中書舍人尤好春

秋病諸儒執一槩是非紛然著二傳總例 志二卷 全會

經趨又以學者薄師道不如聲樂賤工能尊其師著

九經師授譜詆其違

舊史譜一卷
總例二十卷

志成玄公公毅

總例十卷

咸通山陽令

陸希聲春秋通例李氏三傳異同

例見上

比史張思伯善說左氏撰刊例十卷

唐春秋圖

志張傑春秋圖五卷又春秋指元十卷

崇文目春秋
精義二十卷

指元十卷

書目春秋圖一卷唐會昌中黃敬密撰

國史志二

春秋兩霸列國指要圖
序有晉霸楚霸之語

春秋名號歸一圖二卷名字

同異錄五卷蜀馮繼先撰春秋龜鑑圖一卷張暄撰

自魯周迄陳蔡載其名氏

崇文目春秋圖五卷演

左傳謚族圖五卷春秋名號歸一圖二卷

左氏所書人或字或

號或爵謚多互見取以系名下

唐春秋指掌 圖

志李瑾十五卷

書目

卷同上

李瑾集諸家之說爲序

義凡例各一篇抄孔穎達正義爲五篇采摭餘條爲碎玉一篇集先儒異同辨正失得爲三篇取劉炫規

過申訂其義爲三篇大抵專主杜學

崇文目同

國

史志春秋指掌圖二卷融据李瑾指掌爲圖不著姓

唐春秋折衷

志陳岳三十卷

唐末江西從事

晁氏志春秋折衷論三十

卷陳岳撰以左氏爲上公羊爲中穀梁爲下比其異同而折中之書目春秋折衷論記三傳異同參求其長

唐春秋義鑑 義畧

志郭翔春秋義鑑三十卷崇文目在類書類儒家章懷太子

春秋要錄十卷隋書張冲字叔元撰春秋義畧隋志

張冲三十卷

春秋十二國年曆

國史志一卷不知撰人春秋新義十卷林槩辨國語

三卷

天禧春秋要言

見御製

天禧春秋纂類 集議畧論 統微 通

義 會義 機括

書目天禧中葉清臣取左氏傳隨事編類爲二十六門十卷名春秋纂類 慶曆中大理丞李堯俞辨三傳諸家得失及采陳岳折衷總其類例五百餘目而成一百九十五論進表稱春秋集議畧論三十卷今分上下二卷 章拱之統微二十五卷據三傳啖趙意所不及者斷以已見并采陸淳可取之義 至和

中太常博士王哲撰春秋通義十二卷據三傳注疏

及啖趙之學其說通者附經文之下缺者用已意釋

之又異義十二卷皇綱論五卷二十三篇論辨大義例

嘉祐中杜諤撰春秋會義二十六卷自左氏至啖趙

及皇朝諸儒三十餘家集其論議繫經下釋例繁露規過膏肓

先儒同異篇指掌碎玉折衷掌議纂例辨疑微旨摘

微通例胡氏論箋義總論尊王發微本旨辨要旨要

集議索隱新義經社三十餘家成一書其後仍斷以已意元豐中沈括撰春秋

機括三卷上卷以魯公甲子紀周及十二國年譜中

卷載周及十二國譜系世次下卷記列國公子諸臣

名氏其無異名者不錄

景祐春秋集傳 春秋要論

元年正月甲戌

十三日

河北漕臣王汾上集傳十五卷

書日明道中撰

復上書以春秋論事上嘉其好學詔獎諭加

直昭文館十二月二十一日崇政殿說書賈昌朝撰

春秋要論十卷五册

乞付臣點句音切

詔令舍人院試二年

二月五日詔直集賢院

慶曆春秋尊王發微

慶曆中國子監直講孫復著尊王發微十一篇大約

本於陸淳而增新意

書目十二卷又總論二卷總類例而爲之斷

皇祐春秋列國類纂 春秋辨要

皇祐五年宋敏脩上所著列國類纂四月十三日召
試學士院嘉祐三年楊繪獻書意詩旨春秋辨要十
卷閏十二月二十六日命爲集賢校理

嘉祐春秋新意

成都宋堂嘗擬陳子昂作感遇詩以諷上建儲事著
家書數十篇春秋新意七蠹西北民言頗究時務嘉
祐元年翰林學士趙槩上其所著書十月二十三日
以爲四門助教

元豐左氏春秋年表

元豐中楊彥齡撰二卷據經傳歲月爲表首叙周魯

繼以齊晉秦宋衛陳蔡曹鄭吳楚越之國其下總記
戎狄蠻夷之事 紹興中韓璜撰人表一卷環中左
氏二十國年表一卷列國臣子表十卷中進春秋年
表五年五月己亥沈與求奏先魯後周非尊王意
乾德四年四月庚戌國子丞楊均上魯史分門屬類
賦三卷詔褒之 紹興十六年三月鄭邦哲進左氏
韻類 元祐中晁補之撰左氏雜論一卷指左傳之
失凡四十六條

宋朝春秋傳

劉敞著春秋傳十五卷權衡十七卷說例二卷

中興書目

一卷例凡文權二卷意林五卷中興目意林二卷

四十九權衡論三傳之失意林叙其蘇轍傳十二卷本左

公教趙瞻經解義例三十卷春秋論二十卷孫

覺經社要義六卷分爲類例攷據諸傳以解經旨春

秋學纂十三卷其說以穀梁爲本及采左氏公羊歷代

分莊公丁副春秋演聖統例二十卷甲偉書目

爲上下許洞春秋釋幽五卷劉熙古春秋極論二篇演例

三篇任伯雨釋聖傳十二卷馬擇言春秋要類

五卷崇文目家安國通義二十四卷張大亨通

訓十七卷陸佃後傳二十卷鄭昂春秋臣傳三

十卷

以人類事凡二百十五卷附而名者又九十三

黎錞春秋經解十二

卷 劉絢春秋五卷 王當春秋十二卷列國諸臣

傳五十一卷

馮正符得法忘例論三十卷

晁氏志其書例

最詳悉務通經旨熙寧八年何郊奏之不報意者王安石不喜故也

馮山通解十二

卷 余安行新傳十二卷

張根春秋指南十卷

以

伐會盟年經而國緯

胡銓集善十三卷

鄭樵傳十二卷春

秋考十二卷

凡經文音義之訛者正之

葉夢得春秋讞三十卷

春秋考二十卷傳二十卷

夢得又有指要總例二卷例論五十九篇 紹興

中 劉本春秋中論三十卷

紹興

高閱春秋集注

十四卷

洪興祖春秋本旨二十卷

薛季宣經解

指要十四卷

序言諸

呂本中集解十二卷

謙左傳類編六卷

陳傅良春秋後傳左氏章句

十二卷

建炎春秋時論

春秋類纂

書目一卷建炎中李棠撰專采時議爲論一十八篇

鄭績采左氏爲紀傳六十卷名春秋類纂

紹興春秋口義

二年十一月辛酉詔自今住講日今經筵官輪進春

秋口義一授至開講日如舊三年二月丁亥朔右諫

議徐俯進春秋解義至天王使宰渠伯糾來聘周左

氏說父在故名上謂俯曰魯威公篡立天王當致討
既四年不問乃使其宰往聘失政刑矣故書名以表
之戊子俯乞編之記注 紹興中侍講朱震講書三
卷 侍講范冲左氏講義四卷

紹興春秋傳

建炎二年六月戊辰江端友請下湖州取崔子方

著春秋傳藏秘書經解十二卷本例例要一卷
興六年八月于方之發右上一卷

紹興五年四月一日詔徵猷待制胡安國經筵舊臣

今以所著春秋傳纂述成書進入十三年三月書成上

之錄云六年詔獎論除寶文直學凡三十卷十萬餘

言載孟氏而下七家發明綱領之詞于卷首事按左
氏義采公穀之精者大綱本孟子而微詞多以經
之說爲證補林立法難傳外復有總貫條例與證
據史傳又學徒問答二百餘章子寧集錄名曰通旨
一卷

紹興春秋四譜

四年鄧名世上春秋四譜六卷紹興

人譜辨論譜說十篇一卷辨外三月二十

五日引見九月六日賜出身充史館校勘崇文目

春秋世譜七卷宗族名譜譜五卷書目唐揚益撰

春秋公子譜一卷載帝王以來至春秋京兆杜氏奏

秋譜六卷

唐志顧昶編六夫譜十一卷

元祐中孫

子平練鳴道春秋人譜一卷凡編三十六國千七百六十五人分三卷今合爲一

紹興春秋明例 素志

書目一卷紹興中舒州布衣王日休撰凡十篇通謂之明例又冠以例要创意例釋 又有孫復解三傳辯失四卷 夏休撰春秋素志三百十五卷凡三百萬言謂出於元聖素王之志名曰素志又畧其文而約說之爲麟臺獨譜十一卷 續目淳熙中晁公武

進故訓傳三十卷

紹興春秋總鑑

春秋正辭

十二年十二月庚申詔董自任上春秋總鑑可采宜處以太學錄之職其書秘省錄進凡十二卷類集本末而爲解義十三年正月戊午畢良史獻春秋正辭二十卷詔諫議羅汝楫司業高閱看詳來上特改京官又正辭通例十五卷十一年六月壬午吳魯獻所著左氏發揮補右迪功郎

隆興左氏國紀 春秋分記

續目左氏國紀三十卷隆興初徐得之編析諸國之

事每國各繫以年。疏其說於後。春秋分記九十卷。程公說撰推春秋旨義。即左氏傳分而記焉。又旁采公穀諸子之說附其下。又爲年表世譜世本及天文疆域禮樂諸書。次國小國著錄。吳元緒鼓吹。鄧挺類對文濟道綱領四卷。又有蒙求三卷。王舜俞序。

淳熙春秋集解 春秋通志

十年六月二十二日。知潭州林栗著經傳集解三十卷。乞投進。十一年十二月四日。上之。付秘書。十二年二月一日。任清叟進曾祖伯雨春秋釋聖傳十卷。十四年九月十七日。朱佺進伯父長文春秋

通志十冊

並付祕省

書目通志二十卷折衷三傳

旁考啖趙陸淳之說及推演孫復之言

漢時易與論語分爲三詩分爲四禮分爲二及學者
散亡僅存其一餘家皆廢獨春秋三傳並行至今於
聖人之旨各有得焉 漢武宣之世信重其書學士

大夫誦說用以斷獄決事雖萬目未張而大綱克正
其効亦可見矣 箋傳之學惟春秋爲難工經理也
史事也春秋名經而實史也專於經則理虛而無證
專於史則事礙而不通所以難也 詩正義云漢初

為傳訓者皆與經別行三傳之文不與經連故石經書公羊傳皆無經文左氏傳事不傳義是以詳於

史而事未必實以不知經故也公穀傳義不傳事是以詳於經而義未必當以不知史故也杜征南作

釋例啖助作統例陸淳合啖趙之說作纂例韓滉作通例陸希聲亦作通例李瑾作凡例孫明復作總例

孫復丁副作統例王哲作明例隱括胡安國作通例程迥作顯微例目三卷六十五言葉夢得作指要總例崔子

方作本例胡母主司沐公羊鄭興及子眾賈徽穎容左氏荀爽劉陶總春秋為條例

夏五之闕艮八之占春秋始於元終於麟卷終

浚儀王應麟伯厚甫

藝文

續春秋 又見編年

古者謂史記爲春秋後世有所著述多托春秋之名其屬辭比事不與春秋相似非史策之正也

夏殷春秋

史通案汲冢璣語記太丁時事目爲夏殷春秋

後漢

書紀年曰太丁四年

璣語又有晉春秋記獻公十七

年事竹書紀年其所記事皆與晉春秋同蓋子曰晉

乘楚禱祝魯春秋其實一也故墨子曰吾見百國春秋
汲冢所得書尋亦亡逸今惟紀年瑣語師春在焉

隋志古文瑣語四卷汲冢書春秋正義水經注引
瑣語

周春秋

周語注周春秋曰云云

晏子春秋

史記是平仲與萊之夷維人事齊靈公景公以節儉
力行士於齊大史公曰吾讀晏子春秋

漢志儒家

晏子八篇名嬰相齊景公

隋志唐志儒家晏子春

秋七卷

晏嬰
儒家之首

書目 十二卷

崇文
目詞

或以爲後人

采嬰行事爲書故卷頗多於前志

晁氏志

著其行

事及諫諍之言昔司馬遷讀而高之而莫知其所

爲書或曰晏子之後爲之

柳宗元辯曰疑其墨子

之徒有齊人者爲之言問棗及古冶子等尤怪誕後

之錄諸子書宜列之墨家非晏子爲墨也爲是書者

墨之道

禮記校壺注引晏子春秋

呂氏春秋

呂覽

史記

呂不韋傳

始皇
初

不韋爲相食客三千人是時諸

侯多辯士如荀卿之徒著書布天下呂不韋乃使其

客人人著所聞集論以爲八覽六論十二紀二十餘

萬言

高誘云訓解各十餘萬言

以爲備天地萬物古今之事號曰

呂氏春秋布咸陽市門懸千金其上延諸侯遊士賓客有能增損一字者與千金時人無一能損增其書

諸侯年表呂不韋秦莊襄王相亦上觀尚古刪拾

春秋六國事以爲八覽

八十一篇六論

三十篇十二紀

九十六篇

篇爲呂氏春秋

不韋春秋成于始皇八年口維秦入

十二紀此其書成之歲月也

漢書司馬遷傳不韋遷蜀世傳呂

覽注蘇林曰呂氏春秋篇名八覽藝文志雜家呂

氏春秋二十六篇注秦丞相不韋輯智畧士作

唐

志雜家呂氏春秋二十六卷高誘注 高誘序曰以

道德爲標的以無爲爲紀綱以忠義爲品式以多方

爲檢格與孟軻荀卿淮南揚雄相表裏也爲之解以

述古儒之旨凡十七萬三千五十四言 書曰是書

凡百六十篇以月紀爲首故以春秋名書十二紀篇首與月令

同禮運注呂氏說月令而謂之春秋事類相近焉

虞氏春秋

史記諸侯年表大虞卿有傳 趙孝成王時其相虞卿著書

上採春秋下觀近世曰節義稱號揣摩政謀凡八篇

以刺譏國家得失世傳之曰虞氏春秋太史公曰虞

卿非窮愁不能著書以自見於後世 漢志春秋有

虞氏微傳二篇 趙相虞卿 儒家虞氏春秋十五篇 史記

八篇志十五篇未詳 李氏春秋二篇 孔叢子虞卿著書名曰

春秋魏齊曰無然也春秋孔聖所以名經也今子之書大抵談說而已亦以爲名何答曰經者取其常事

也可常則爲經矣且不爲孔子其無經乎齊問子順

曰魯之史記曰春秋春秋因以名焉又晏子之書亦

曰春秋注虞卿遊說之士爲趙孝成王上卿後與魏

齊間行去趙困於大梁不得志乃著書 云云語出本傳

史通晏子虞卿呂氏陸賈其書篇第本無年月而亦

謂春秋

吳越春秋

越絕書

後漢趙曄傳著吳越春秋詩細歷神淵蔡邕至會稽
讀詩細而歎息以爲長於論衡邕還師傅之學者感
誦習焉

晉書楊方補高梁

涼

太守在郡積年著五

經鉤沉更撰吳越春秋并雜文行於世

隋志雜史

類吳越春秋十二卷趙曄撰吳越春秋削繁五卷楊

方撰

唐志云

吳越春秋十卷皇甫遵撰

唐志云吳越春秋傳

吳

越記六卷越絕相承以爲子貢所作

本志越絕記十卷子貢撰唐

志同

中興書目十五卷十九篇

後漢書注引越絕

趙曄又爲吳越

春秋其屬辭比事皆不與春秋史記漢書相似蓋率爾而作非史策之正也

中興書目吳越春秋十卷

內吳外越以紀其事吳起太伯止闔閭越起無余止

勾踐

崇文目越絕書有內紀八外傳十七文題并

缺總二十篇

書目或云子貢子胥然載春申君及

紀年至建武二十八年疑後人續成今存十九篇十

五卷第一卷荆平王內傳二外傳記吳地三吳內傳

四季倪內經五請釋內傳六外傳策考七外傳記范

伯內傳陳成常八外傳記地傳九外傳計倪十外傳

記吳王占夢十一外傳記寶劔十二內經九術外傳

記軍氣十三外傳枕中十四外傳春申君德序外傳

十五篇叙外傳

第一卷有越絕外傳本事一篇此其爲十六卷數

魯後春秋

唐志雜史劉允濟魯後春秋二十卷

劉允濟傳中

宗時遷著作佐郎來魯哀公後十二世接戰國爲魯後春秋獻之允濟嘗曰史官善惡必書使驕主賊臣懼此權顧輕哉而班生受金陳壽求米僕乃視之如浮雲耳

戰國春秋

北齊書李粲撰戰國春秋及音譜

隋志戰國春秋

二十卷李燾撰

古史及霸史 舊志
編年 唐志偽史

左史六卷李燾

撰雜史

楚漢春秋

後班彪傳漢興定天下太中大夫陸賈記錄時功作
楚漢春秋九篇 藝文志春秋家楚漢春秋九篇陸
賈所記 隋志雜史楚漢春秋九卷陸賈撰述誅鋤
秦項之事司馬遷述楚漢春秋接其後事

漢春秋

明帝紀永平十五年祠仲尼注漢春秋曰帝時升廟
立群臣中庭北面皆再拜帝進爵而後坐

志元和八年

初孔子注漢晉春秋曰闕里仲尼之故宅云云

光

武紀建武五年注案范曄序例云帝紀畧依春秋唯

李慧日食地震書餘悉備於志司馬遷傳太史公

注如淳曰漢儀注太史公武帝置位在丞相上天下

計書先上太史副上丞相序事如古春秋晁錯策

刻於玉版藏於金匱歷之春秋楊惲傳天陰不用

此春秋所記夏竦君所言也注張晏曰漢史記勝所

言故曰春秋所記叙傳爲春秋考紀東漢之初春秋之名尚存

王命論垂策書於春秋注師古曰史書記事之總

稱唐志雜史孔衍漢春秋十卷後漢春秋六卷袁

曄獻帝春秋十卷

魏志注引表曄獻帝春秋

國史志胡旦漢春秋百卷問答一卷

因四百年行事立褒貶以儆春

秋淳化五年旦自言願給借館吏繕寫帝曰褒貶出

於胸臆豈得容易流傳祥符三年謝泌又爲言敕襄

州給紙寫天聖中獻之仁宗稱歎遷旦秘書監

漢晉春秋

見編年

漢魏春秋

晉習鑿齒傳爲滎陽太守在郡著漢晉春秋起漢光

武終晉愍帝於三國之時蜀以宗室爲正魏武雖受

漢禪晉尚爲篡逆至文帝平蜀乃爲漢亡而晉始興凡

五十四卷

唐志同

隋志漢魏春秋九卷孔舒元撰

蜀魏志注引孔漢晉陽秋四十七卷訖愍帝習鑿齒
衍漢魏春秋撰

魏氏春秋 晉陽秋

晉孫盛傳篤學不倦著魏氏春秋

隋志二十卷古史

晉陽秋

隋志二十卷迄哀帝

一作三十二卷詞直理正咸稱良史

直書枋頭

之事

桓溫見之怒其子請刪改之盛不可子遂私改

之太元中孝武博求異聞始得別本於遼東考校多

不同書遂兩存

書目晉陽秋孫盛撰隋志本二十

二卷今止存宣帝一卷懷帝下一卷唐人所書康帝

一卷餘亡盛不名春秋而曰陽秋者避鄭太后名也

唐志編年類孫盛魏武春秋二十卷鄧粲晉陽秋

三十二卷

本傳粲著元明紀十篇

檀道鸞晉春秋二十卷

隋志云續

晉陽秋

雜史類孫壽魏陽秋異同八卷

王韶之私撰

晉安帝陽秋除著作佐郎使續後事訖義熙九年善敘事辭論可觀爲後代佳史

三國春秋

唐志雜史員半千三國春秋二十卷崔良佐三國春

秋卷亡

良佐深州安平人日用從子門人謚曰真文孝父

晉九州春秋

隋志雜史九州春秋十卷司馬彪撰記漢末事

唐志

九卷

書目紀漢末州郡之亂司冀兗徐青荆揚涼

幽九州各一篇

司馬彪

高陽王睦之長子

專精學

術泰始中爲秘書丞注莊子作九州春秋

三國志引

之

吳志注臣松之案太康八年廣州大中正王範

上交廣二州春秋

玄晏春秋

舊唐志雜傳玄晏春秋二卷皇甫謐撰

晉皇甫謐

傳謐自號玄晏先生撰玄晏春秋重於世

任子春秋

晉杜夷傳兄崧字行高有志節惠帝時俗多浮僞著

任子春秋以刺之

晉春秋後語

史通孔衍

字舒元

以戰國策所書未爲盡善乃引太史

公所記參其異同刪彼二家聚爲一錄號爲春秋後語除二周及宋衛中山所留者七國而已始自秦孝公終於楚漢之際比於春秋亦盡二百四十餘年行事始衍撰春秋時國語復撰春秋後語勒成二書各爲十卷今行世者唯後語存焉

書目十卷

唐志雜

史孔衍春秋時國語春秋後國語各十卷漢春秋十卷後漢春秋六卷後魏春秋九卷通鑑外紀引後

語

晉春秋後傳

史通晉著作郎樂資采二史撰爲春秋後傳其書始於周貞王續前傳魯哀以後至王赧入秦又以秦文

王繼周終於二世合作三十卷

唐志同三十一卷雜史

隋

志雜史何承天春秋前傳十卷

唐志同

前雜傳九卷

唐志

前傳雜語十卷

水經注引春秋後傳

十六國春秋

北史後魏崔鴻以劉元海石勒慕容儁符健慕容垂姚萇慕容德赫連屈子張軌李雄呂光乞伏國仁禿

髮烏孤李暹沮渠蒙遜馮跋等並因世故跨僭一方
各有國書未有統一鴻乃撰爲十六國春秋勒成百
卷因其舊記時有增損褒貶鴻二世仕江左故不錄
晉劉勳之書稽以長歷考諸舊志又別作序例一卷
年志一卷凡一百二卷 隋志霸史崔鴻撰十六國
春秋一百卷 唐史僞史類一百二十卷 國史志鴻

書世有二十餘卷舊志乃五十卷蓋獻書者妄分篇
第 晁說之曰司馬公休言溫公所考十六國春秋
非崔鴻全書

三十國春秋

隋志古史三十國春秋三十一卷梁湘東世蕭方
等撰唐志偽史類蕭方三十國春秋三十卷武敏
之三十國春秋一百卷舊志同蔡允恭後梁春秋十卷
中興書目三十卷方等採削諸史以晉爲主附列
漢劉淵以下二十九國又上取吳孫皓事起宣帝迄
恭帝又三十國春秋鈔一卷

晉春秋畧

唐志編年杜延業晉春秋畧二十卷中興書目唐

祕書省正字杜公業撰唐志作延業并序起晉宣帝迄恭

帝一百五十六年以後魏崔鴻撰十六國春秋尚未

三才卷四十一
三才二五
完盡梁蕭方等著三十國春秋以晉爲主附列二十九國採集爲廣遂加刪緝號曰晉春秋畧凡一百八萬餘言

宋春秋 齊春秋

隋志古史宋春秋二十卷梁吳興令王琰撰齊春秋三十卷梁奉朝請吳均撰唐志編年類鮑衡卿宋春秋二十卷王琰二十卷吳均齊春秋三十卷 裴子野欲撰齊梁春秋草創未就

文中子元經

元經五十篇列爲十五卷自獲麟後歷秦漢至後魏

著紀年之書謂之元經薛收傳阮逸注中說天下

無賞罰三百載元經得不興乎薛收曰始於晉惠何

也曰元經褒貶以代賞罰董常曰天子以元經爲賞

罰子述元經皇始之事歎焉後魏初平叔恬曰蓋歎命矣

子謂叔恬曰春秋元經於王道是輕重之權衡曲直

之繩墨也子曰元經其正名乎皇始之帝證天以授

之也晉宋之王近於正體於是乎未忘中國齊梁陳

之德斥之於四夷也以明中國之有代太和之力也

曰元經典而帝制亡矣元經其衰世之意乎義直而

微言曲而中董常曰元經之帝元魏自文帝太和元年皇始

唐曆二十六年刊

之授魏而帝晉何也子曰云云曰元經以人事終故
止於陳亡書陳亡而具五國褒貶不及仁壽元經抗

帝而尊中國正歷數則斷南北感帝制而守太熙尊

中國而正皇始紀年書帝春正月始以晉系正統

列終也遂黜齊而進魏符堅肥水之役不書曰為

謝玄所敗而書曰為慕容垂所敗春秋誅心之法也

桓溫之卒不為官為晉誅惡也皇甫湜

曰天闢元經續為元經繼之尼父中興書目

元經薛氏傳十五卷阮逸學始於晉帝終於陳亡如

春秋經傳之體疑此非通本書

唐春秋 又見編年

志編年類吳兢唐春秋三十卷韋述三十卷陸長源

六十卷。吳兢傳景龍間任史事。時武張監領事。公
不實兢不得志。私撰唐書。唐春秋未就。至開元中。召
官筆札。龔得成書。詔兢就集賢院論次。後貶荊州司
馬。以史草自隨。蕭嵩領國史。遣使者就兢取書。得六
十餘篇。李元紘傳初左庶子吳兢爲史官。撰唐書

及春秋未成。後上書請畢其功。詔許就集賢成書。張
說致仕。詔在家修史。元紘因言國史記人君善惡。王
政損益。褒貶所繫。前聖尤重。今國大典分散不一。且
太宗別置史館。禁中祕嚴之也。請勒說以書就館。參
會撰錄。詔可。會要開元十四年七月六日。左庶子

吳兢奏臣潛心積思別撰唐書九十八卷

集賢注記
二六一百卷

唐春秋三十卷用藏私室歷二十餘年尚刊削才就

於是彌綸舊紀重加刪緝雖文則不工而事皆實

斷自隋大業十三年迄于開元十四年春三月即皇

家一代之典盡在斯矣詔兢就集賢院論次俄令就

史館其書未就兢遷荊州司馬上令中使往荊州取

得五十餘卷記事疏略

韋述傳舉進士時方少考功

宋之問曰童子何業述曰性嗜書所撰唐春秋三十

篇未畢他唯命之問曰本求茂才乃得遷固遂上第

國中志陸長源唐春秋今存十八卷

孫氏西齋

錄孫焦長源唐春秋乃編年雜錄掇其切峭獨可示懲
勸自爲十八通書號孫氏西齋錄 宋朝趙瞻唐春
春秋五十卷

五代春秋

書目五代春秋一卷尹洙撰 國史志雜史王軫五
朝春秋二十五卷

論語

漢世通謂論語孝經爲傳書序言及論語孝經程
子曰論語之書成於有子曾子之門人故其書獨

二子以子稱論語識曰子夏六十四人共撰仲尼
微言鄭康成曰仲弓游夏等撰定正義曰以口相
傳授故經焚書而獨存

漢十二家論語

藝文志論語十二家二百二十九篇論語古二十二
篇出孔子壁中兩子張如淳曰分堯曰篇後子張問
曰從政分堯曰下章子張問以為一齊其篇次
又不與齊魯同新論云文異者四百餘字

二十二篇多問王知道其二十篇中章魯二十篇傳

十九篇齊說二十九篇魯夏侯說二十一篇魯安昌

侯說二十一篇張禹魯王駿說二十篇王吉燕傳說三

卷八十八篇

鍾

孔子家語二十七卷孔子三

七篇孔子徒人圖法二卷論語者孔子答弟子時

及弟子相與言而接聞於夫子之語也漢興有齊魯

之說傳齊論者昌邑中尉王吉

何晏序又有琅邪王

少府宗

陽御史大夫貢禹尚書令五鹿充宗膠東庸生唯王

陽名家傳魯論者常山都尉龔奮長信少府夏侯勝

丞相韋賢

子玄成

魯扶卿前將軍蕭望之安邑侯張

禹皆名家張氏最後而行於世

曾論傳於學

何晏

序論語孔子弟子記諸善言也張禹本受魯論業講

齊說善者從之號曰張侯論為世所貴包氏周氏章

何出焉古論唯博士孔安國爲之訓解而世不傳順
帝時南郡太守馬融亦爲訓說漢末大司農鄭玄就
魯論篇章考之齊古爲之注故司空陳群太常王肅
博士周生烈皆爲是說屢集諸家爲解邢昺疏張
禹擇齊魯之善而爲論鄭玄考齊古之長而爲注
孝文置論語博士平帝詔召通知論語者爲一封
轡傳詣京師唐薛放曰漢時論語首立學官光武
令虎賁士皆習孝經

說文逸論語曰玉璫之璫也其璫猛也如玉之璫

文選注逸論語曰如玉之璫

與魯之寶玉也

春秋正義論語哀公問主於宰我

案古論語及孔鄭皆以爲社主張包周等並爲廟主

家語孔安國爲古文論語訓二十一篇孝經傳二篇

魯讀

論語釋文傳不習乎鄭注云魯讀傳爲專今從古案

鄭校周之本以齊古讀正凡五十事鄭本或無此注

然皇覽引魯讀六事則無者非也 崔子魯讀崔爲

高 未嘗無誨魯讀爲悔 五十以學易魯讀易爲

亦 正唯弟子不能學也魯讀正爲誠 魯讀坦蕩

爲坦蕩 冕衣裳者鄭本作弁云魯讀弁爲纒今從

古 瓜祭魯讀瓜爲必 賜生魯讀生爲牲 車中
不內顧魯讀車中內顧 詠而歸鄭本作饋魯讀饋
爲歸 仍舊魯讀仍爲仁 折獄魯讀折爲制 小
慧魯讀慧爲惠 古之矜也廉魯讀廉爲貶 魯讀
躁爲傲室爲室 歸孔子豚鄭本作饋魯讀爲歸
天何言哉魯讀天爲夫 不知命無以爲君子也魯
論無此章今從古

漢尚書論語說

漢尚書傳

見尚書

蕭望之傳從勝問論語禮服後

漢易論語大義 論語章句

張禹傳從沛郡施讐受易琅邪王陽膠東庸生問論語皆明習諸儒曰欲爲論念張文甘露中諸儒薦禹有詔太子太傅蕭望之問禹對易及論語大義望之善焉奏禹經學精習有師法可試事奏寢久之試爲博士初元中授太子論語禹爲成帝師以上好論語難數對已問經爲論語章句獻之 後儒林傳包咸建武中入授太子論語又爲章句 何休注訓孝經論語 沛王輔傳善說孝經論語傳

漢鄭玄注論語 論語釋義 晉論語注

讚

唐志鄭玄注論語十卷又注論語釋義十卷 隋志

論語九卷鄭玄注晉散騎常侍虞喜讚梁有古文論

語十卷鄭玄注又王肅虞翻譙周等注論語各十卷

亡鄭玄以張侯論爲本參考齊古而爲注齊論亡古

論先無師說梁陳唯鄭玄何晏立國學而鄭甚微周

齊鄭學獨立隋何鄭並行鄭氏盛於人間 北史鄭

玄論語序云書以八寸策誤作八十宗徐遵明曲爲

之說 春秋正義鄭玄注論語序以鉤命決云春秋

二尺四寸書之孝經一尺二寸書之故知六經之策

皆稱長二尺四寸 聘禮疏鄭作論語序云易詩書
禮樂春秋策皆尺二寸孝經謙半之論語八寸策者
三分居一又謙焉是其策之長短鄭注尚書三十字
一簡之文服虔注左氏云古文篆書一簡八字是其
簡之字數

魏論語集解

唐志何晏集解十卷

隋志同

孫綽集解十卷盈氏集義

江熙集解各十卷

晉鄭冲傳與孫邕何晏曹羲荀

凱等共集論語諸家訓注之善者義有不安者輒改

易之名集解

正義集孔安國包咸周氏

不詳何人

馬融

鄭玄陳群王肅周生烈之說兼以己意爲集解正始

中上之

包周就張侯論爲訓解

宋朝周式撰集解辯誤十卷

又有續辯誤一卷附其後

吳志虞翻爲老子論語國語訓注

晉論語集注 集解

隋志集注六卷太保衛瓘注江熙孫綽集解皆十卷

李充注十卷 唐志宋明帝補衛瓘注十卷

隋志云論語補

關二卷

晉論語集義 旨序 體畧

隋志集義八卷晉左中兵郎崔豹集

梁十卷 唐志崔豹大義解十

卷盈氏集

義十卷

體畧二卷太傅主簿郭象撰首序三卷晉

衛尉繆播撰

唐志二卷

釋疑三卷王弼撰又釋疑十卷晉

尚書郎樂摩撰集註六卷

晉入卷晉大尉衛瓘注

有太史叔明

集解陶弘景集注各十卷虞喜新書對張論十卷

梁論語疏

唐志皇侃疏十卷

邢昺以爲援引不經詞意淺陋

褚仲都講疏十卷

賈公彥疏十卷

中興書目梁國子助教皇侃以何

晏集解去取爲疏十卷又列晉衛瓘繆播樂摩郭象

蔡謨袁宏江厚蔡奚李充

隋志十卷

孫綽周懷范甯王珉

等十三人爵里于前云此十三家是江熙所集其解

釋於何集無妨者引取以廣異聞 隋志宋張畧等

疏八卷褚仲都義疏皇侃義疏劉炫述義本傳各十

卷徐孝克講疏文句義五卷張冲義疏二卷 南史

張譏孝經義八卷論語義二十卷 國史志皇侃疏

雖時有鄙近然博極群言補諸家之未至爲後學所

宗咸平中詔邢昺刊定正義

論語圖

隋志梁有論語義注圖十二卷 古論語義注譜一

卷徐氏撰唐志

唐三十家論語

志經錄八曰論語三十家三十七部三百二十七卷
失姓名三家

始於鄭玄注釋義終於賈公彥疏爲注

釋者有鄭玄王弼王肅李充梁覲孟釐袁喬尹毅張
氏暢惠明宋明帝樂肇崔豹劉炫爲集解集義者有
何晏孫綽盈氏江熙爲講疏者有皇侃褚仲都賈公
彥又有徐氏之譜虞喜之贊繆播旨序郭象體畧戴
詵述議徐邈之音王勃之次論語及家語十卷孔叢
七卷篇目弟子一卷附焉不著錄二家十二卷韓愈
注十卷張籍注辯二卷

隋志

六典同

論語并五經異

義等七十二部七百八十一卷

崇文目十三部二

百十卷

中興日二十三家一百八十一卷

續目

十六家一百三十三卷

唐論語筆解

書目二十卷題韓愈撰

唐志韓愈注論語十卷

皇朝許勃爲序

其問翽曰者蓋李習之同與琢磨非獨韓製此書也

宋咸增注論語十卷序云韓愈注論語與筆解大

槩多竊先儒義而遷易其辭因擇二書是否并舊注

未安辯正焉

劉正叟謂筆解皆後人之學託韓愈

名以求行徒玷前賢悉無所取爲重注十卷以祛學

者之惑

唐次論語

志王勃次論語十卷

咸平論語正義

見孝經

書目論語正義十卷翰林侍講學士邢昺等撰咸平中頒其書於章句訓詁名器事物之際詳矣

元祐論語要義

見孝經

論語說

蘇軾

子瞻

說

謫居黃州時所爲大觀間弟轍子由辨正其義有未安者二十七章謂之拾遺

范祖禹

醇夫

說

元祐中所進數引劉敞程頤之說

程頤

正叔

解

門人記其師所解

謝良佐

顯道

解師程正叔

呂大臨

與叔解

與叔雖程氏之徒解經不盡用師說

尹焞

彥明

解紹興中爲崇政殿說書被旨訓解

楊時

中立

注

游酢

定夫

解

皆程氏門人

王鞏

定國

注

秦少游序

汪革

民直

解

紹聖中禮部試第一

王安石

介甫

解

王雱口義

葉夢得

少蘊

釋言

張栻

敬夫

說

以上

各十卷

張九成解二十卷

胡宏指南一卷

胡

寅詳說

洪興祖說

謂此書始於不愠終於知命益君子儒

吳棫續

解考異說例十二卷

曾幾撰義二卷

薛季宣少

學 鄒補之贅解

紹興論語解義

三十二年三月己未刑部侍郎兼侍講黃祖舜進論語解義詔給事中金安節等看詳安節等言詞義明粹令國子監板行賜詔獎諭

胡宏指南評論黃祖舜沈大廉之說

八年四月戊寅詔尹焞解論語書成賜六品服

十年三月二十四日王普進父賓講論語口義送史館

淳熙論語孟子集注或問

朱文公熹撰淳熙四年六月癸巳成初編次集義輯

二程之說又取張范二呂

希哲大臨

謝游楊侯仲尹氏九

家

初名要義改名精義最

後名曰集義三十四卷又本注疏參釋文會諸老

先生之說間附所聞於師友得於心思者爲詳說舊名訓蒙口義

既而約其精粹爲集注十卷又疏其所

以去取之意爲或問十卷其後集注刪改日益精密

而或問不復釐正故其去取間有不同者黃氏曰

朱子集注於一字未安一語未順覃思靜慮更易不

置或一二日而未已用心如此學者顧以易心讀之

安能得聖人之意哉朱子言三十始爲集注至老改猶未已非草草看者陳

氏曰集注遍閱諸家說雖一句一字皆爲抄掇旋加

磨刮翦繁趨約不啻數百過又曰學者須專事集注

爲標準復讀屢飫胸中已有定見然後參以集義方

傳言象是非得失始知集注明潔親切辭約而旨當

義精而味長信爲萬世不刊之書 黃榦撰論語通

釋十卷 輔廣論語答問 魏了翁要義 編疏 論語

二十卷孟子十四卷

淳熙論語拾遺

五年六月九日軍器少監張琬上二十篇付秘閣

孔子家語 孔叢 孔志 孔子弟子目

錄 孔氏古文弟子籍

漢志 論語家孔子家語二十七卷注師古曰非今所

萬曆十六年

三

於通生馮魚可刊

有家語

隋志孔子家語二十一卷

王肅解

梁有家語三卷

魏博七張

孔叢七卷陳勝博士孔鮒撰

梁有孔志十卷梁太尉參

軍劉披撰

孔子弟子目錄一卷

鄭玄撰孔叢家語並孔

氏所傳之旨

唐志

王肅注孔子家語十卷

舊志云王肅撰

孔叢七卷論語篇目弟子一卷

書目家語十卷王

肅注孔叢一名盤孟取其事雜也

家語今自相魯

至曲禮公西赤同四十四篇漢元封中孔安國集錄

孔子十

一世孫孔叢今自嘉言至答問二十一一篇爲六卷集

仲尼子思子上子高子順之言以爲孔鮒子魚所作

孔臧又以所爲賦與書謂之連叢上下篇爲一卷

合

為二十三篇

附子末嘉祐四年三月宋

又記六文公曰弟子籍出孔氏七文近是今以

或論語弟子問并次為篇自子曰已右三十一

人名及受業聞見于書傳其四十二人無年及

書傳紀于左冉季至索隱家語此例唯有三十

公良孺秦商顏亥叔仲會四人家語有事迹史

自公伯寮秦冉鄭軍三人家語不載而別有琴

完註意如文翁圖所記又有林放遠伯子申

多人增益今不可考 宋朝李燾著大傳雜

二子名籍各一卷 馬昭曰家語王肅增加

又

又字

人有

不見

七人其

記闕

牢陳

申堂

七十

鄭玄

所見虛私定以難鄭玄

孝經

隋志孔子既叙六經題目不同指意義別焉
離散故作孝經以總會之明其夜派雖分
明於

魏文侯孝經傳

漢志注蔡邕明堂論曰魏文侯孝經傳曰
太學
其有中學明堂之位也

漢十一家孝經 四家孝經

藝文志孝經十一家五十九篇古孔氏一篇二十二
章孝經一篇十八章長孫江后翼氏四家長孫氏說

二篇江氏翼氏后氏說各一篇雜傳四篇安昌侯說

一篇五經雜義十八篇石渠論爾雅三卷二十篇小

爾雅一篇古今字一卷弟子職一篇應劭曰管仲所作說三

篇孔子爲曾子陳孝道夫孝天之經地之義民之行

也舉大者言之故曰孝經漢興長孫氏博士江翁少

府后倉諫大夫翼奉安昌侯張禹傳之各自名家經

文皆同唯孔氏壁中古文爲異父母生之續莫大焉

故親生之膝下諸家說不安處古文字讀皆異 王

式傳博士江公著孝經說 後漢儒林傳自期門羽

林之士悉通孝經章句 明帝時 禮記周禮注引孝

經說 秋官注孝經說曰云云疏云接神 穀梁疏亦引

孝經說

孝文置孝經博士 司隸有孝經師 荀爽對策漢

火德其德為孝漢制使天下誦孝經選吏舉孝廉

何休注訓孝經 馬融注孝經 高誘作孝經解

宋臬曰涼州寡於學術屢致反暴今欲多寫孝經令

家家習之詔書詰責

漢古文孝經

志孝經古孔氏一篇二十二章

注師古曰劉向云意章分爲二曾子敢

問章分爲三又多一章閨門章凡二十二章

漢興云云

見上

唯孔氏壁中

古文爲異父母生之續莫大焉故親生之膝下諸家

說不安處古文字讀皆異

師古曰桓譚新論云古孝經千八百七十二字今異

者四百餘字

書序孔子舊宅壁中得古文虞夏商周之

書及傳論語孝經皆科斗文字

說文叙建光元年

九月戊午許冲上父慎說文曰古文孝經者孝昭帝

時魯國三老所獻建武時議郎衛宏所校皆口傳官

無其說臣父學孔氏古文撰具一篇并上家語後

序孔安國爲古文論語訓二十一篇孝經傳二篇皆

壁中科斗本也

晉衛恒傳漢武時魯恭王壞孔子

宅得尚書春秋論語孝經時人不復知有古文謂之

科斗書漢世祕藏希得見之

隋志古文孝經一卷

孔安國傳梁末亡逸今疑非古本古文孝經述義五

卷劉炫撰

本傳云述議

秦焚書爲河間顏芝所藏漢初芝

子貞出之凡十八章而長孫江后翼張皆名其學又

有古文孝經與古文尚書同出而長孫有閨門一章

其餘經文大較相似篇簡缺解又有衍出三章并前

合爲二十二章孔安國爲之傳至劉向典校經籍以

顏本比古文除其繁惑以十八章爲定鄭衆馬融並

爲之注又有鄭氏注相傳或云鄭玄梁代安國及鄭氏二家並立國學而安國之本亾於梁亂至隋秘書監王劭於京師訪得孔傳送至河間劉炫炫因述其議疏講于人間後遂著令與鄭氏並立儒者皆云炫自作之非孔舊本鄭氏注一卷梁有馬融鄭衆注二卷唐志古文孔安國傳劉邵注傳注謝承書不言注唐志古文孔安國傳劉邵注孝經惟此書有之各一卷 唐玄宗時議者排毀古文以閨門一章爲鄙俗不可行

魏孝經傳

王肅傳奉詔令諸儒注述孝經以肅說爲長 唐會

要劉子玄云王肅孝經傳首有司馬宣王之奏奉詔
令諸儒注述孝經以肅說爲長

吳嚴峻著孝經傳潮水論

孝經解讚

隋志一卷韋昭解集解孝經一卷謝萬集蕭子顯孝
經敬愛義一卷太史叔明孝經義一卷

晉講孝經義

見帝學

隋志梁有晉孝經一卷

穆帝時

祁嘉依

孝經作二九神經

晉集議孝經

隋志一卷晉東陽太守袁敬仲集又一卷中書郎荀

勗撰

唐志荀勗
孝經集解

梁孝經義疏

隋志梁武帝義疏十八卷皇侃三卷梁簡文五卷蕭

子顯一卷亡

梁武帝釋孝經義中大通四年三月置
制古孝經助教一人簡文於士林館發

孝經題張譏論義在復譏有孝經義
八卷

沈文阿有孝經論語義記

趙景韶一卷徐

孝克講疏六卷 **唐志**何約之大明中皇太子講義

疏一卷

齊書永明三年太子於崇正殿講孝經

晉太

子講孝經
於崇政殿

梁書昭明太子講孝經殿中庶子徐

勉祭酒張充執經天監八年九月於壽安殿講孝經

論語講畢親臨釋奠于國學

南史陳王元規孝經

義記兩卷

北史何妥義疏二卷

齊周顒撰義疏

孝經圖

隋志梁有孝經圖一卷孝經孔子圖二卷

舊唐志孝經應瑞圖

一卷識緯有孝經古祕圖一卷左右契圖一卷分野圖

一卷內事圖二卷內事星宿講堂七十二弟子圖一

卷又口授圖一卷

崇文目農家大農孝經一卷

說有正順孝經一卷女孝經一卷酒孝經一卷

唐二十七家孝經

志經錄孝經二十七家三十六部八十二卷失姓名

一家始於古文孔安國傳終於元行冲疏古文有孔安國之傳劉邵之注爲注者王肅鄭玄韋昭孫熙蘇林謝萬虞盤佐孔光殷仲文叔道徐整魏克已而唐玄宗制旨附焉爲講義義疏者車胤皇侃何約之梁武帝劉炫賈公彥任希古元行冲而荀勗集解太史叔明發題張士儒演孝經附焉應瑞圖一卷失姓名不著錄六家一十三卷尹知章王元感之注孔穎達之義疏李嗣真之指要及平貞脊孝經義終於徐浩

廣孝經

唐舊令行孔鄭二注

隋志

大典同

古今孝經等十八部

六十三卷

崇文目

五部九卷

中興目

十五家二

十卷 續目一家一卷

鄭氏序孝經者三才之經緯五行之綱紀孝爲百行之首經者至易之稱 立宗序雖五孝之用則別而百行之源不殊 國史志孔安國傳古二十二章有閨門篇爲世所疑鄭氏注今十八章相承言康成作鄭志目錄不載通儒皆驗其非開元中孝明纂諸說自注以奪二家然尚不知鄭氏之爲小同 經典序錄鄭注相承以爲鄭玄案鄭志及中經簿無唯中朝穆帝集講孝經云以鄭玄爲主檢孝經注與康成注不同未詳是非 江左中興孝經論語共立鄭氏博士

唐孝經章句

孔穎達傳

兼舊史

太宗時爲太子右庶子承乾令穎達

撰孝經章句因文箴諷貞觀十四年詔穎達講孝經

於國學

志穎達義疏

卷亡

集賢注記壽王通孝

經賜王迥質束帛酒饌及衣被

唐孝經注議

會要開元七年三月一日敕孝經尚書有古文本孔
鄭注旨趣頗多踳駁令諸儒質定六日詔曰孝經德
教所先頃來獨宗鄭氏孔氏遺旨今則無文又子夏

易傳近無習者輔嗣注老子亦甚曉明其令儒官詳定所長令明經者習讀四月七日左庶子劉子玄上孝經注議曰今俗所行孝經題曰鄭氏注云卽康成而魏晉無此說至晉穆帝永和十一年孝武大元元年再聚郡臣共論經義有荀昶撰集孝經諸說始以鄭氏爲宗宋梁已來多有異論陸澄以爲非玄所注請不藏祕省王儉不依其請遂傳於時魏齊立於學宮著在律令然則孝經非玄所注其驗十有二條鄭自序無注孝經之文一也弟子追論師注及應對時人謂之鄭志不言注孝經二也鄭志目錄記鄭所注

不言孝經三也鄭記不及孝經四也趙商作鄭先生
碑銘亦不言注孝經晉中經簿稱鄭氏解無名玄二
字五也春秋緯演孔圖云春秋孝經別有評論宋均
於詩譜序云先師則均是傳業弟子也而云唯有評
論六也宋均孝經緯注引鄭六藝論叙孝經云玄又
爲之注而均無聞焉七也宋均春秋緯注云玄爲春
秋孝經畧說非注之謂八也後漢史書謝薛司馬袁
爲傳載所注皆無孝經九也二云云古文孔傳曠代亡
逸隋開皇十四年秘書學生王孝逸得一本送王邵
以示劉炫炫率意刊改因著孝經稽疑一篇邵以爲

經文盡在正義甚美而歷代未嘗置於學官愚謂行
孔廢鄭於義爲允國子祭酒司馬貞議曰今孝經是
漢河間王所得顏芝本劉向定爲十八章其注相承
云鄭玄作而鄭志及目錄等不載往賢共疑焉唯荀
昶范曄以爲鄭注昶集解孝經具載此注序云以鄭
爲主是以此注爲優其古文二十二章元出孔壁安
國作傳世未之行荀昶集注之時尚有孔傳中朝遂
亡其本近儒妄作此傳假稱孔氏又僞作闈門一章
劉炫詭隨妄稱其善且闈門之義近俗之語非宣尼
正說又分庶人章故自天子已下別爲一章仍加子

曰二字非但經文不真亦傳習淺偽議者取近儒說殘經缺傳而廢鄭注理實未可請鄭孔俱行五月詔鄭仍舊行用孔注傳習者稀亦存繼絕之典頗加獎飾

唐六家孝經

見御製

明皇取王肅劉邵虞翻韋昭劉炫陸澄六家之說參做孔鄭舊義自作序云舉六家之異同

劉邵

古文注一

卷王肅韋昭

注各一卷

劉炫

述義五卷

陸澄

言鄭玄注用辭不類

虞翻

隋唐

志載

唐孝經制旨 疏

志玄宗孝經制旨一卷

梁武帝撰制旨孝經義

元行冲御注孝

經疏二卷

舊志三卷有孔安國劉邵王肅鄭玄韋昭孫熙蘇林謝萬尹知章王元感注皇侃孔穎達賈云彥義疏

隋何妥孝經義疏二卷

開元七年爲國子司業志

元行冲傳

元行冲傳

玄宗自注孝經詔行冲爲疏立于學官

會要開元

十年六月二日上注孝經頒天下及國子學天寶二

年五月二十二日上重注亦頒天下 紀天寶三載

十二月癸丑詔天下家藏孝經

會要云精勤教習學枝之中倍加傳授州

縣官長申勸課焉五載二月二十四日詔孝經書疏雖粗發明未能該備今更敷暢以廣闕文令集賢寫

外 薛放曰漢立論語於學官光武令虎賁士習

孝經元宗親爲注訓論語六經菁華孝經人倫之本

也 開元中親注孝經并製序八分書之立于國學
以層樓覆之 浴中記異

唐孝經指要

志李嗣真孝經指要一卷

唐廣孝經

志徐浩廣孝經十卷浩稱四明山人乾元二年十一
月上授校書郎張士儒演孝經十二卷

唐科斗書孝經

李陽冰子服之貞元中授韓愈以其家科斗孝經衛
宏官書兩部合一卷後以歸歸登其後以凡爲文辭

宜畧識字再乞觀之張籍令賀拔恕寫之

韓愈科斗

書後記

又渭上耕者亦得古文孝經

唐孝經新義

志任希古越王孝經新義十卷 後周顯德六年八月高麗遣使進別叙孝經一卷越王孝經新義八卷別叙者記孔子所生及弟子從學之事新義以越王為問目釋疏文是非

淳化御書孝經

見御書

咸平孝經論語正義

至道二年判監李至請命李沆杜鎬等校定周禮儀

禮穀梁傳疏及別纂孝經論語正義從之

梁皇侃爲論語義疏

援引不經詞意淺陋

咸平三年三月癸巳命祭酒邢昺代領其

事杜鎬舒雅李維孫奭李慕清王煥崔偓佺劉士元

預其事凡賈公彥周禮儀禮疏各五十卷公羊疏三

十卷楊士勛穀梁疏十二卷皆校舊本而成之孝經

取元行冲疏論語取梁皇侃疏爾雅取孫炎高璉疏

約而修之又二十三卷四年九月丁亥以獻賜宴國

子監進秩有差十月九日命杭州刻板

書目孝經

正義三卷邢昺撰初世傳元行冲疏外餘家尚多皆

淺近不足取咸平中昺等奉詔據元氏本而增損焉

咸平三體書孝經

三年四月辛未直昭文館句中正上石本大小篆八

分三體書孝經書曰一卷具古文秦篆漢隸三體又有楊南仲書二體孝經一卷真篆二體

真宗召至便殿坐問所書幾時方畢曰凡十年遂賜

金紫藏其書秘閣命別進三本送三館八月二十四日賜中正詔

曰汝精通字學得史籀之舊法見蔡邕之古文夏竦古文韻曰中正刻孝經字體精傳書目

孝經一卷案隋志鄭氏注邢昺正義云世傳康成所

注而鄭志不載先儒疑之荀昶集解以此注為優請

與孔傳並行今陸德明音釋用此五代散亡咸平中

日本僧角然來獻

祥符資善堂讀孝經

見堂類

天聖孝經論語要言

天聖四年閏五月侍讀學士宋綬錄惟皇誠德賦孝經論語要言唐太宗帝範二卷開元中楊浚聖典三卷楊相如君臣政理論三卷以進時帝好儒學太后命綬擇前代文字資孝養補政治者以備帝覽故也慶曆七年三月丙申邇英講孝經

皇祐孝經圖

三
四
三
五
九
四年命丁度書天子孝治聖治廣要道四章爲圖

至和古文孝經指解

實錄至和元年十二月丁未殿中丞直秘閣司馬光

上古文孝經指解一卷詔送秘閣

或作皇祐四年誤

序曰

聖人言則爲經動則爲法孔子與曾參論孝而門人書之謂之孝經漢興顏芝之子得十八章儒者傳之是爲今文及魯恭王壞孔子宅而古文始出凡二十二章今文之學已盛古文排根不得列於學官獨孔安國及馬融爲之傳隋開皇中王孝逸得之河間劉炫作稽疑一篇將興墜起廢時人已多譏笑之唐開

元中詔議孔鄭二家。劉知幾以爲宜行孔。廢鄭。諸儒
爭難。遂起。卒行鄭學。及明皇自注。遂用十八章爲定。
前世孝經多者五十餘家。少亦不減十家。今祕閣所
藏。止有鄭氏明皇及古文三家。古文有經無傳。按孔
安國以古文時無通者。以隸書寫尚書而傳之。則論
語孝經不得獨用古文。蓋後世好事者。用孔氏傳本。
更以古文寫之。其文則非。其語則是也。臣輒以隸寫
古文爲之指解。其今文舊注有未盡者。引兩仲之其
不合者。易而去之。表曰。聖人之德。莫加於孝。猶江
河之有源。草木之有本。源遠則流大。本固則葉繁。祕

閣所藏古文孝經先秦舊書傳注遺逸孤學堙微不絕如綫妄以所聞爲指解一卷 范祖禹復爲之說

一卷元祐中上 桓譚新論古孝經一卷二十章千

八百七十二字今異者四百餘字

見上

元祐尚書論語孝經要義 三經要語

元祐二年九月庚午呂公著言伏覩今月十五日以經筵講論語畢賜執政及講筵官御筵是日內出御書唐賢律詩分賜臣等各一篇次日臣於延和謝今來論語終秩進講尚書二書皆聖人之格言爲君之要道臣輒於尚書論語及孝經中節取要語凡一百

段惟取明白切於治道者庶便省覽他日太皇太后
宣諭公著曰所進尚書論語等要義百篇皇帝每日
書寫看覽甚有益學問與寫詩不同 范祖又言臣
謹節尚書論語孝經要切之語訓戒之言得二百一
十九事以備聖札所冀手書之目覩之心存之以助
聖德之萬一名曰三經要語

詔興御書孝經

二年八月十六日癸卯上出其寫孝經詩書篇章宣
示呂頤浩等 九年六月十二日辛酉宰臣檜乞旨
上所賜御書真草孝經刻之金石上曰十八章世以

爲童蒙之書不知聖人精微之學不出乎此十四年
七月辛未詔諸州以御書孝經刊石賜見任官及學
生從汪勃之言也

紹興資善堂孝經圖

見堂類

紹興孝經解

八年四月庚午王恂獻孝經解義詔賜帛十年十二
月十日程全一進孝經解命爲大學職事十一年十
一月二十七日林獨秀進孝經指解賜 束帛紹興
中王文獻進詳解一卷趙湘進孝經議一卷沈處厚

進解一卷

漢忠經附

書目儒家一卷馬融撰鄭元注融述孝經之意作忠經陳事君之要道始於立德終於成功凡十八章崇文目小說兩朝志海鵬忠經

唐武孝經附

書目一卷崇文目小說唐郭良輔設太公孫子問答倣孝

經篇第以述武事崇文目有兵書論語三卷國史志一卷

民生日用之常后王降德之本

孝經道之根本學之基址其言近其旨遠其守約其施博自微至顯自小至大自身體髮膚愛之至於嚴父配天自親生之膝下至於天下和平自事父母至於天地明察通神明光四海克其道者舜文王周公是也

范祖禹

孟子

韓愈曰孔子之道大而能博獨孟軻氏之傳得其宗故求觀聖人之道者必自孟子始

孟子十一篇

漢志儒家孟子十一篇。名軻。鄒人子思弟子。有列傳。

注師古曰。聖證論曰。軻字子車。而此志無字。未詳其所得。**史記**列傳軻與萬章之徒。序詩書。述仲尼之

意。作七篇。漢志十一篇。四篇外書也。**韓文**軻之書。非自著。既沒

其徒萬章。公孫丑相與記所言耳。**朱子集注**史記

近是。道性善。注曰。門人不能盡記其詞。夾汝漢注。曰。記者之誤。吳伯豐問朱子。答曰。兩處失之。

晁氏志按此書。韓愈以爲弟子所會集。今考其書。載

孟子所見諸侯。皆稱謚死。然後有謚。軻著書時。所見

諸侯。不應皆前死。且惠王元年至平公之卒。凡七十

七年。軻始見王。目之曰叟。必已老矣。決不見平公之

萬曆十六年
監生于光烈刊

卒也。

漢趙岐注孟子

隋志孟子十四卷齊卿孟軻撰趙岐注唐志趙岐

注孟子十四卷

分上下篇梁惠王至盡心

趙岐傳字邠卿

又字臺卿

多所述著作孟子章句題辭孟子治儒術之道垂

憲言以詒後人著書七篇二百六十一章三萬四千

六百八十五字包羅天地揆敘萬類仁義道德性命

靡所不載帝王公侯遵之可以致隆平頌清廟卿大

夫士蹈之可以尊君父立忠信守志厲操者儀之可

以崇高節抗浮雲孔子自衛反魯然後樂正雅頌各

得其所乃刪詩定書繫周易作春秋孟子退自齊梁
述堯舜之道而著作焉此大賢擬聖而作者也七十
子會集夫子所言以爲論語孟子之書則而象之秦
滅經術孟子徒黨盡矣書號諸子篇籍得不泯絕漢
孝文置博士後罷迄今諸經通義得引以明事謂之
博文儒家惟有孟子閱遠微妙溫與難見宜在條理
之科

外書四篇

題辭又有外書四篇性善辨文說孝經爲正其文不
能弘深不與內篇相似非孟子本真後世依放而託

之者也

論衡孟子作性善之篇以爲人性皆善及其不善物亂之也 法言孟子曰夫有意而不至者有矣未有

無意而至者也

說苑

太平御覽

孟子曰人皆知糞

其田而莫知糞其心

顏氏家訓圖景失形

漢伍

被傳孟子曰紂貴爲天子不死曾不如匹夫是紂先自絕久矣非死之日天去之也 史記注孟子稱禹

生紐西夷人也

藝文類聚滕文公

云云惠子諫曰

坊記注舜生五十而不失其孺子之心

史通堯

舜不勝其美桀紂不勝其惡

文選注太山之高參

天人雲

漢孟子章句

儒林傳程曾著書百餘篇，自五經通難，又作孟子章

句高誘正章句

唐六家孟子

志趙岐注十四卷，劉熙注七卷，鄭玄注七卷，蔡毋濂

注七卷

隋志梁有蔡毋濂撰九卷亡

陸善經注七卷，張鎰音義三

卷，儒家六十九

孟子有六家

唐續孟子

崇文目續孟子二卷，唐咸通中林謹思撰

祥符孟子首義 正義

晁氏志孫奭採張鎰丁公著所撰參附益其闕爲二卷大中祥符中書成上于朝又撰正義

元祐五臣解孟子

晁氏志十四卷范祖禹孔武仲吳安詩豐稷呂希哲元祐中同在經筵所進講義貫穿史傳辭旨精贍

又伊川孟子解十四卷

釋題

橫渠孟子解十四卷

張載

土安石王雱許允成解各十四卷 馬休刪

孟子二卷

十七篇

司馬光疑孟一卷

並晁氏志

紹興中吳表臣於經筵講 高宗書于坐右屏又書

刊石太學

淳熙孟子集注或問 精義

朱文公熹撰各十四卷

詳見論語類

程子曰學者當以論語孟子爲本二書既治則六經可不治而明又曰讀論語孟子而不知道所謂雖多亦奚以爲

張栻孟子說十七卷 魏了翁要義十四卷

玉海卷第四十一

上海卷第四十一

後儀王應麟伯厚甫

藝文

經解 總六經

記之經解指詩書禮樂易春秋之教未始正六經之名。莊子天運篇始述老子之言曰六經先王之陳迹實助乎此。太史公滑稽傳以禮樂詩書易春秋爲六藝。而班史因之。又以五學配五常。而論語孝經並記於六藝畧中。自時厥後。或曰五經。或曰六經。或曰七經。至唐正觀中。答那律淹貫群書。褚遂良

稱爲九經庫。九經之名又昉乎此。其後明經取士。以禮記春秋左傳爲大經。詩周禮儀禮爲中經。易尚書春秋公穀爲小經。所謂九經也。國朝方以三傳合爲一。又舍儀禮而以易詩書周禮禮記春秋爲六經。又以孟子升經。論語孝經爲三外經。今所謂九經也。

孔子經解

記經解第二十六。孔子曰。入其國。其教可知也。其爲人也。溫柔敦厚。詩教也。疏通知遠。書教也。廣博易良。樂教也。絮靜精微。易教也。絜儉莊敬。禮教也。屬辭比

事春秋教也。正義按鄭目錄云：記六藝政教之得失於別錄屬通論。經解一篇，總是孔子之言。記者錄之。皇氏曰：解者分析之名。此篇分析六經體教不同，故名經解。六經其教雖異，總以禮爲本。故記者錄入於禮。荀子善爲詩者，不說善爲易者，不占善爲禮者，不相。文中子門人有問姚義孔庭之法，曰：詩曰禮不及四經，何也？曰：四者非具體，不能及。故聖人後之。經典序錄。經解以詩爲首，七畧藝文志用易居前，阮孝緒七錄亦同。此次王儉七志孝經爲初。

孔子十二經

莊子天道篇孔子西藏書於周室繙十二經以說老
聘釋文六經六緯一說云易上下經并十翼一云春
秋十二公經也

南史周續之受業范甯通五經五緯號曰十經 **蜀**
志秦宓曰文翁遣相如東受七經還教吏民 **隋志**

樊文深七經義綱二十九卷七經論三卷 **宋官志**

國子助教十人周易尚書毛詩禮記周官儀禮春秋
左氏公羊穀梁合爲一經論語孝經爲一經合十經
助教分掌

孔子二經 二學

中庸注孔子曰吾志在春秋行在孝經二經固足以明之孔子祖述堯舜之道而制春秋斷以文王武王之法度公羊何休序孔子有云吾志在春秋行在孝經此二學者聖人之極致治世之要務也疏案孝經鉤命決云孔子在庶德無所施功無所就志在春秋行在孝經是也二學者春秋孝經也

漢古文舊書 古今學

列傳河間獻王德景二年立脩學好古從民得善書必爲好寫與之留其真所得書皆古文先秦舊書周官尚書禮記孟子老子之屬其學舉六藝立毛氏

詩左氏春秋博士 司馬遷十歲誦古文 劉向上

方精於詩書觀古文詔向領校中五經祕書 劉歆

欲建立左氏毛詩逸禮古文尚書列學官移書曰魯

恭王得古文於壞壁之中逸禮有三十九書十六篇

天漢之後孔安國獻之及春秋左氏丘明所脩皆古

文舊書多者二十餘通臧於祕府伏而未發孝成閱

學殘文缺乃陳發祕臧校理舊文得此三事考學官

所傳經或脫簡傳或間編抑此三學以尚書爲備謂

左氏不傳春秋古文舊書皆有證驗外內相應禮失

求之於野古文不猶愈於野乎 藝文志易劉向以

中古文易經校唯費氏經與古文同書古文經四十
六卷爲五十七篇劉向以中古文校三家經文詩毛
公自謂子夏所傳禮古經五十六卷出於魯淹中周
官經六篇亡冬官以考工記克之春秋古經十二篇

論語古二十一篇出孔壁兩子張孝經古孔氏一篇

二十二章孔壁古文

志又云史籀篇與孔子壁中古文異體

史記太

史公曰秦撥去古文

始皇二十四年始下焚書之令

距漢興纔七年耳

書序孔子舊宅壁中得先人所

藏古文虞夏商周之書及傳論語孝經皆科斗文字
以所聞伏生之書考論文義定其可知者爲隸古定

更以竹簡寫之

用隸書寫古文

桓譚新論易連山八萬言

歸藏四千三百言古文尚書舊有四十五卷爲十八篇古秩禮記有五十六卷古論語二十一卷古孝經一卷二十章千八百七十二字今異者四百餘字蓋嘉論之林藪文義之淵海也 後傳桓譚好古學數從劉歆揚雄辨析疑異 杜林得漆書古文尚書一

卷 鄭玄初中興之後范升陳元李育賈逵之徒爭

論古今學後馬融荅北地太守劉瓌及玄荅何休義據通深古學遂明 鄭興好古學尤明左氏周官自

杜林桓譚衛宏之屬莫不斟酌

宏好古學

賈逵雖

爲古學兼通五家穀梁之說 崔駰通古今訓詁

劉陶推三家及古文是正名中文尚書 盧植與鄭

玄俱事馬融能通古今學好研精而不守章句上書

曰臣從通儒馬融受古學古文科斗近於爲實而厭

抑流俗降在小學 衛宏好古學 隋志議郎衛敬仲
古文官書一卷

連叢子孔臧曰侍中安國受詔綴集古義乞爲太

常典臣家業紀綱古訓孔大夫謂季彥曰今海內皆

爲章句內學君獨治古義治古義則非內學非之則

危身之道先聖古文臨淮傳義 安國 不在科策之例

世人固莫識也 長彥隨時爲今學 說文序孔子書

六經左丘明述春秋傳皆以古文許慎子冲曰臣父從賈逵受古學 家語後序孔安國考論古今文字撰衆師之義爲古文論語訓十一篇孝經傳二篇尚書傳五十八篇皆所得壁中科斗本也又集錄孔子家語爲四十四篇 公羊序治古學貴文章者謂之俗儒疏左氏先著竹帛故漢時謂之古學公羊漢世乃興故謂之今學治古學者卽鄭衆賈逵之徒 蜀志尹默徒司馬德操宋仲子等受古學 隋志光武以圖讖興俗儒趨時益爲其學言五經者皆憑讖爲說唯孔安國毛公王璜賈逵之徒獨非之故因漢魯

恭王河間獻王所得古文參而考之以成其義謂之古學世儒非毀竟不得行魏代王肅推引古學以難其義王弼杜預從而明之自是古學稍立

漢世經先出者不如後出盛傳於後世 費氏易

古文尚書 毛詩 小戴禮 左氏春秋

漢石渠議奏

宣紀 甘露二年三月詔諸儒講論五經同異

易則施雠梁丘

臨書則周堪張山崩林尊歐陽地餘假倉詩則韋玄成張生薛廣德禮則戴聖韋玄成聞人通漢授梁丘則蕭望之劉向尹更始 太子太傅蕭望之等平奏其議上親稱制

臨決焉廼立梁丘易大小夏侯尚書穀梁春秋博士

列傳

又儒林傳

劉向本名更生初立穀梁春秋召更生

受穀梁講論五經於石渠

薛廣德以魯詩爲博士

論石渠遷諫大夫

韋玄成受詔與太子太傅蕭望

之及五經諸儒雜論同異於石渠閣條奏其對

施

讎詔拜爲博士甘露中與五經諸儒雜論異同於石

渠注師古曰三輔故事云石渠閣在未央殿北以藏

祕書也

梁丘賀子臨爲典門郎甘露中奉使問諸

儒於石渠臨學精孰專行尔房法歐陽地餘爲博

士論石渠

林尊爲博士論石渠

周堪爲譯官令

論石渠經爲最高

張山拊爲博士論石渠

假倉

以謁者論石渠

戴聖以博士論石渠

隋志有石渠禮論四卷戴

聖撰

張生爲博士論石渠

聞人通漢以太子舍人

論石渠

藝文志書議奏四十二篇禮議奏三十八

篇春秋議奏三十九篇論語議奏十八篇五經雜議

十八篇

凡百五十五篇

後陳元傳孝宣爲石渠論

而穀梁氏興

穀梁序漢興以來瓌望碩儒各信所

習是非紛錯準裁靡定故有父子異同之論石渠分

爭之說

禮運正義議郎尹更始待詔劉更生等議

石渠以爲吉凶不並瑞災不兼麟爲周亡之異不得

爲瑞

漢五經雜議 通義 要義 演經雜論

通論 五經論

志孝經家有五經雜議十八篇石渠論唐志

劉向五經雜義七卷又通義九卷隋志入卷要

卷隋志梁十七卷雷氏撰舊唐志五經雜義七卷又通義九卷要義五卷劉向撰

曹褒作演經雜論百二十篇通義十二篇 沛

輔光武好經書善說京氏易孝經論語傳及圖

五經論時號曰沛王通論 明紀注通典冬夏

兵廣韻注引通義 百官志注引五經通義二王之

後不考功 世說注引通義要義 隋禮儀志引要

義曰笏所以記事通義曰弁高五寸前後玉飾

文選注引五經要義太一一一名終南山又曰籍田千

畝以先百姓致孝敬

文選雪賦注引五經通訓

通典引通義曰

號所以表功德

北史劉芳引通義太社玉社要義

社必植以木

隋志

孫暢之五經雜義六卷梁又有

五經義畧一卷

劉向辨章舊聞則有五經通義沛獻說易圖識則有

沛王通論建初會羣儒考同異則有白虎通義易通

論作於洼丹五經通難著於程曾

曾著書百餘篇

通義十二

篇作於曹褒

褒傳慶氏禮又有演經雜論百二十篇

鄭玄有六藝論許

慎有異義。魏王肅有聖證論，晉束皙亦有五經通論。譙周有然否論，五卷。戴逵大義，三卷。梁鮑泉六經通數，十卷。邯鄲綽五經析疑，二十八卷。元延明宗畧，二十三卷。

漢六藝畧

見書目

五學

志六藝一百三家三千一百二十三篇。人三家一百五十九出篇重十一篇。

六藝之文，樂以和，神仁之表。

詩以正言，義之用禮，以明體，故無訓書以廣聽知之術。春秋以斷事，信之符五者，五常之道而易爲之原。易與天地相終始，至於五學，世有變改，猶五行之更。

用事

叙傳世宗憲章大學

儒林敘傳漢存其業

六學析分

史記太史公論六家曰六藝經傳以千

萬數累世不能通其學當年不能究其禮協六經異

傳董仲舒通五經

王吉通五經爲騶氏春秋以詩

論語教授好梁丘臨

一作賀

說易令子駿受焉 夏侯

始昌通五經以齊詩尚書教授

易書

王璜費氏古文

詩禮 后蒼

詩書

徐敖古文書

毛詩

夏侯始昌齊詩尚書

書春秋

胡常古文穀

梁左氏

禮春秋

孟卿后氏禮疏氏春秋皆出孟卿

詩春秋

申公江公榮廣魯詩穀梁

易詩

韓嬰

漢六藝九種

志序六藝爲九種 易十三家二百九十四篇 書
九家四百十二篇 詩六家四百十六卷 禮十三
家五百五十五篇 樂六家百六十五篇 春秋二
十三家九百四十八篇 論語十二家二百二十九
篇 孝經十一家五十九篇 小學十家自史籀至
杜林蒼頡故三十五篇

漢五經章句

藝文志 易章句施孟梁丘各二篇 丁寬有小章句

費直

長於小學章句 書章句歐陽三十一卷 大小夏侯各二十九

卷

張無故善脩章句守小夏侯說又秦恭增師法至百萬言

春秋公羊三十八篇

穀梁三十三篇

儒林傳尹更始左氏章句

劉歆章句備焉

夏侯勝傳曰建所謂章句小儒破碎大道

後紀

建初四年十一月壬戌詔中元元年詔書五經章句煩多議欲減省至永平元年長水校尉儵奏言先帝大業當以時施行欲使諸儒共定經義於是會白虎觀議同異八年十二月戊申詔曰五經剖判去聖彌遠章句遺辭垂疑難正恐先師微言將絕其令羣儒選高才生受學穀梁左氏春秋古文尚書毛詩以扶微學廣異義 易惟樊英習京氏著章句

唐志孟喜

京房費直馬融荀爽有章句

書歐陽有牟長章句牟

卿章句四十五萬餘言張奐減爲九萬言桓榮受朱
普學章句四十萬言入授顯宗減爲二十三萬言子
郁刪定成十二萬言有桓君大小太常章句盧植作
尚書章句詩則伏黯改定齊詩章句子恭減省浮辭
定爲二十萬言杜撫定韓詩章句張康作韓詩章句
薛漢世習韓詩父子以章句著名禮則橋仁從戴德
學著禮記章句四十九篇曹充習慶氏學作章句辨
難曹褒新禮章句景鸞月令章句蔡邕月令章句春
秋則鄭興撰左氏條例章句樊儵鍾興刪定公羊嚴

氏章句又使宗室從楊終改定春秋章句十五萬言唐志有賈逵左氏長經章句二十卷鄭衆牒列章句

九卷

列傳桓譚帝方信讖譚言宜屏群小之曲說

述五經之正義譚徧習五經皆誥訓大義不爲章句

隋志漢時又詔東平王蒼正五經章句皆命從議俗儒趨時言五經者皆憑讖爲說桓郁遷

侍中顯宗制五家要說章句令郁校定於宣明殿

鄭玄傳論東京學者經數家家數說章句多者百餘

萬言學徒勞而少功後生疑而莫正傳毅永平中

於平陵習章句作迪志詩文苑孔僖子長彥好章

句儒林王充好博覽不守章句盧植不守章句

荀淑博學不好章句多為俗儒所非 梁鴻韓融

不為章句 徐防和帝永元十四年拜司空以五經

久遠聖意難明宜為章句以悟後學上疏曰詩書禮

樂定自孔子發明章句始於子夏其後諸家分析各

有異說今不依章句妄生穿鑿臣以為博士及甲乙

策試宜從其家章句開五十難試之詔從防言 順

紀陽嘉元年十一月令孝廉諸生通章句乃得應選

儒林傳順帝更修翼宇游學雖增盛而章句漸踈

浮華相尚 劉表傳博求儒術綦母闔宋忠等撰立

三經章句謂之後定 詩正義自古而有篇章之名

與詩禮俱興也。句則古者謂之爲言。秦漢以來衆儒各爲訓詁。乃有句稱。句必聯字而言。句者句也。聯字分疆。所以局言。章者明也。總義包體。所以明情。六

藝論未有若今傳訓章句。明爲傳訓以來始辯章句。

文心雕龍若秦延君之注堯典十餘萬字。朱普之解尚書三十萬言。所以通人惡煩。羞學章句。若毛公訓詩。安國傳書。鄭君釋禮。王弼解易。要約明暢。可爲式矣。

故

謂通指義

書有夏侯解故詩有魯故。后氏故韓

故毛詩故訓傳。小學有杜林蒼頡故。

微

謂釋微指

春秋有左氏微鐸氏微張氏微虞卿微傳

通注考

通白虎通風俗通史通韓滉春秋通

典籍之存。詁訓之傳。皆漢儒之力。詩有魯故韓故

齊后氏故齊孫氏故毛詩故訓傳書有大小夏侯解

故前人惟故之尚如此。今人乃新之急。邪贅以釋老

鑿以申韓塗人之耳目。而變易其心思。經猶的也

一人射之。不若衆人射之。其中者多也。傳師所說

謂之傳。丘明子夏於春秋禮經作傳是也。

古者以一句爲一言。

一言蔽之曰思無邪。

揚之秦

漢以來衆儒各爲訓詁。乃有句稱。

漢儒林傳業

前儒林傳贊自武帝立武經博士開弟子員設科射策勸以官祿訖於元始百有餘年傳業者浸盛支葉蕃滋一經說至百餘萬言大師衆至千餘人蓋祿利之路然也 傳言家世傳業者易

上孫張書 陳翁生

平當詩

滿昌伏理禮橋仁徐良

春秋

王仲

漢興言易

自淄川田生言書自濟南伏生言詩於魯則申培公於齊則轅固生燕則韓太傅言禮則魯高堂生言春秋於齊則胡毋生於趙則董仲舒 易本田何有施孟梁丘之學施家有張彭之學孟喜有翟孟日之學

梁丘有士孫鄧衡之學有京氏之學有高氏學高費皆未立學官 書歐陽大小夏侯氏學皆出於倪寬世有歐陽氏學歐陽有平陳之學有大小夏侯之學大夏侯有孔許之學小夏侯有鄭張秦假李氏之學孔氏古文未立學官百兩篇出張霸 魯詩有韋氏學有張唐褚氏之學江公世爲魯詩宗張家有許氏學齊詩有翼匡師伏之學韓詩有王食長孫之學言毛詩本徐敖 禮爲頌者由徐氏禮有大戴小戴慶氏之學大戴有徐氏小戴有橋楊氏之學 公羊春秋有顏嚴之學顏家有冷任之學有筮冥之學穀梁

春秋有尹胡申章房氏之學言左氏本賈護劉歆

志春秋分爲五

左氏公羊穀梁鄒夾氏

詩分爲四

毛

齊魯魯韓

易有數家之傳

漢師法

儒林傳孟喜受易博士缺衆人薦喜上聞喜改師法

遂不用

秦恭

小夏侯書

增師法至百萬言

唐長賓褚

少孫事王式問經數篇式曰聞之於師具是矣白潤

色之不肯復授唐生褚生試誦說有法疑者立蓋不

言胡毋生治公羊弟子唯羸公守學不失師法

梁丘臨學精執專行京房法

列傳匡衡對詩諸大

義說有師道可觀覽。張禹對易論語大義經學。精習有師法。魏相明易經有師法。

漢五經家法 通經名家

宋百官志漢武建元五年初置五經博士宣成之世五經家法稍增經置博士一人至東京凡十四人。詩正義漢承滅學之後典籍出於人間各專門命氏以顯其家之學故爲傳訓者皆云氏不言名。

後儒林傳序光武立五經博士各以家法教授凡十四博士肅宗詔高才生受古文尚書毛詩穀梁左氏春秋雖不立學官然皆擢高第爲講郎以網羅遺逸

博存衆家東京學者猥衆今但錄其能通經名家者以爲儒林篇其自有列傳者則不兼書若師資所承標名爲證乃著之

易 施氏

劉昆子軼

孟氏

注丹旌陽鴻任安

梁丘

楊政張興子魴

京氏

戴憑魏滿孫期

書

歐陽

歙曹曾陳弁牟長宋登

大夏侯

張馴字

子雋

古文

尹敏周防孔僖楊倫

詩

魯

高詡包咸魏應

齊

伏恭任末景鸞

韓薛漢

杜撫召伯春楊仁趙暉張康

毛

謝曼卿衛宏

禮

慶氏

董鈞

春秋 公羊嚴氏

丁恭周澤鍾興甄字子普樓望

程曾

顏氏

張允

公羊

李育何休

左氏

服虔穎容謝

該

通五經

許慎蔡玄

如費氏易有陳元鄭眾馬融鄭玄荀爽夏歐 尚

書有牟融王良桓榮 古文尚書有杜林賈逵

毛詩有鄭眾賈逵馬融鄭玄 慶氏禮有曹充褒

三禮有馬鄭 左氏春秋有鄭興陳元自有列

傳而標名儒林之篇

後紀質帝本初元年詔四姓小侯先能通經者各命

隨家法注儒生爲詩者謂之詩家爲禮者謂之禮家

列傳徐防言大學試博士弟子皆以意說不修家

法論議紛錯互相是非注諸經爲業各自名家左

雄言孝廉諸生施家法楊統父春卿善圖讖統作

家法章句及內讖二卷解說鄭玄傳論漢興諸儒

頗修執文東京學者亦各名家經有數家家有數說

章句多者或百餘萬言學徒勞而少功後生疑而莫

正鄭玄括囊大典網羅衆家刪裁刊改學者畧知所

歸王父豫章君范甯傳授生徒專以鄭氏家法張

元習春秋顏氏兼通數家法樊準曰孝明多召名

儒克禮官博士議郎一人開門徒衆百數 賈逵曰
先帝博觀異家各有所採易有施孟復立梁丘尚書
歐陽復有大小夏侯

漢儒林弟子著錄 經生編牒

後儒林傳論自光武中年專事經學其風世篤經生
謂博所處不遠萬里之路精廬暫建羸糧動有千百

其耆名高義開門授徒者編牒不下萬人皆專相傳
祖莫或訛雜至有分爭王庭植朋私里繁其章條穿
求崖穴以合一家之說 張興習梁丘易弟子自遠
至者著錄且萬人 牟長習歐陽尚書著錄前後萬

人 魏應受魯詩弟子著錄數千人 丁恭習嚴春

秋著錄數千人 樓望習嚴春秋著錄九千餘人

張元習顏氏著錄千餘人 蔡玄通五經著錄萬六

千人 法者於籍錄

漢群臣說經

戴憑傳 習京氏易召試博士拜郎中時詔公卿大會

郡臣皆就席憑獨立光武問其意對曰博士說經皆

不如臣而坐居臣上帝卽召上殿令與諸儒難說多

所解釋帝善之拜虎賁中郎將以侍中兼領正旦朝

賀百僚畢會帝令群臣能說經者更相難詰義有不

通輒奪其席以益通者憑重坐五十餘席京師語曰
解經不窮戴侍中 藝文類聚殷氏世傳曰殷亮建

武中拜博士諸儒講論勝者賜席亮重至八九 詳見

帝學

魯丕傳元和中引見難問經傳永元十一年

和帝因朝會召見諸儒丕與賈逵黃香等相難數事
帝善丕說上疏曰說經者傳先師之言非從已出難
者必明其據說者務立其義法異者各令自說師法
博觀其義覽詩人之旨意察雅頌之終始明舜禹臯
陶之相戒顯周公箕子之所陳

漢白虎議奏 通義

通德論

章紀建初四年十一月壬戌詔曰中元元年詔書五

經章句煩多議欲減省至永平元年長水校尉儵樊儵

奏言先帝大業當以時施行欲使諸儒共正經義令

學者得以自助於戲其勉之哉於是太常將大夫博

士議郎郎官及諸生諸儒會白虎觀講議五經異同

使五官中郎將魏應承制問難侍中淳于恭奏上帝

親稱制臨決如孝宣甘露石渠故事作白虎議奏注

今白虎通 **儒林傳**建初中大會諸儒於白虎觀考

詳同異連月乃罷肅宗親臨稱制如石渠故事顧命

史臣著爲通義即白虎通議是也魏應專掌難問餘同章紀

李育建初四年詔與諸儒論五經於白虎觀育以公羊義難賈逵往反皆有理證最爲通儒

列傳魯

恭習魯詩肅宗集諸儒於白虎觀恭特以明經得召與其議

丁鴻建初四年肅宗詔與廣平王羨及諸

儒樓望成封桓郁賈逵等論定五經同異於北宮白虎觀使五官中郎將魏應主承制問難侍中淳于恭奏上帝親稱制臨決鴻以高才論難最明諸儒稱之帝數嘆焉注東觀記與太常樓望少府成封屯騎校尉桓郁衛士令賈逵等集議白虎門名於門立觀因以名焉

傳贊云高論白虎

班固遷玄武司馬天子會諸儒

講論五經作白虎通德論今固撰集其事 楊

言宣帝傳召群儒定論五經於石渠方今天下少事

學者得成其業而章句之徒破壞大體宜如石渠故

書未爲後世則是詔諸儒於白虎觀論考同異焉

會終坐事係獄博十趙博校書郎班固賈逵等以終

學曉春秋學多異聞表請之終又上書自訟即日賞

出乃得與白虎觀 陳敬王之友善博涉經書有威嚴

與諸儒講論於白虎觀 蔡邕封事曰孝宣會諸儒

於石渠章帝集學士於白虎通經釋義其事優大

通監白虎觀議五經名儒丁鴻樓望成封桓郁班固

賈逵及廣平王美皆與焉

隋志白虎通六卷

唐

志執固等白虎通義六卷

崇文目白虎通德論十

卷中興書目白虎通十卷凡四十篇今本自爵號

至嫁娶凡四十二篇

祭元傳順帝詔拜議郎講論五經異同甚合帝意

學通五經

漢諸經通義

又見上

太常試經

孟子題辭漢興孝文廣遊學之路孟子置博士訖今

諸經通義得引孟子以明事謂之博文禮記曰謂

詩小引舜年五十而慕詩引太王不以卷八者

書人禮記玉樹引貢助徹圭田坊記引舜年三十

不失孺子之心周禮大宰八統引爵德齒小司徒

引仁政自經界始載師士田引圭田之說及五畝

之宅植桑壘人引市壘而不征法而不壘司關

引關幾而不征雨人天人助有公田野九夫稅一

國中什一之言又引於考工記匠人以孟子善之

周制邦國用殷助法列傳鄭衆建武中皇太子及

山陽王聘衆欲爲通義伏恭明齊詩建武十三年

太常試經第一拜博士顏氏傳士缺張周防鹿林

世祖狩汝南召掾史試經防能誦讀拜守丞高彪

文苑舉孝廉試經第一除郎中徐防永元十四年

言太學試博士弟子皆以意說不修家法臣以爲甲
乙策試宜從其家章句五經各取上第六人論語不
官射策官志司隸有孝經師主監試經

諸經通義者漢五經課試之學也維漢以文立治以
經選士鴻生傳業支蕃業滋闡經道直探索聖編決
科射策則有通義之目以孟子明事則有博文之名
趙岐題辭備述大槩謹稽合史傳而爲之說曰聖人
作經載道學者因經明道學傳而不詳說無曰發
詳說之

詳說之

必疑正學之源而後能通乎聖人之海粵自木鐸聲寢經與道榛塞孟子闢邪距詖羽翼孔道七篇垂訓法嚴義精知性知天易之奧也以意逆志詩之綱也言稱堯舜書之要也井田爵祿之制可以知禮王霸義利之辨可以知春秋儒者稱之曰通五經噫若孟氏斯謂之通矣媿哉漢之尊經虐儒五十三家莫非賢傳也而孟子首置博士九流百八十九家莫非諸子也而通義得述孟子斯文之統紀以壹多士之趨向以純非徒綴訓故誦佔畢而已若稽前載建元五年春五經始立博士元朔五祀通一執者試之孝元

好儒通一經者復之博士十四助于建武選受四經
俶于建初科有甲乙試有家法或試經于太常或試
誦說于博士永元十四年司空徐防建言開五十難
解釋多者爲上第演文明者爲高說所謂博文明事
雖軼不傳然建武中太子諸王欲爲通義而聘鄭衆
建初四年會諸儒白虎觀命史臣著通義曹褒傳慶
氏禮亦纂通義十二篇觀其名可求其畧矣還觀有
漢之盛鉅儒石師開門授徒著錄至萬六千人經數
家家數說章句多者百餘萬言歷襮綿邈湮沒居多
嘗卽詩禮訓注考之小弁述親親之言王制述貢助

徹之法爵德齒釋於大宰經界釋於小司徒圭田市
廛關幾釋於載師廛人司關助有公田國中什一及
函矢之說又詳列于考工記珠貫絲組上下洽通蓋
傳得其宗無越鄒孟求觀聖道必自茲始否則續以
華藻汨以緯候芟茲詭辨稽古曼辭燕說郢書吾道
莠矣焉得而通諸雖然經學至於通而止漢儒之說
何其紛紛也五經通義劉向輯之五經通論沛獻著
之程曾通難注丹易通專已黨同輒殊牖異君子已
不能無憾况課試之學以明經爲祿利之塗則通義
乃諸儒之筌蹄也其不傳於今有以夫吁師異道人

異論漢儒之說猶得以考同異折是非也暨唐正觀十二年會稗章句爲正義百七十卷繇是舉天下宗一說而無深造自得之功若明經又變爲帖誦而口義墨義興焉君子又惜通義之不傳於今也

擬序

漢六藝篇錄

張衡傳中興後儒者爭學圖緯衡上疏曰河洛六藝篇錄已定後人皮傳無所容纂注衡集上事云河洛五九六藝四九謂八十一篇也

尹敏傳世祖令敏校圖讖使蠲去崔發所爲著錄次比

隋志七經緯三十六篇並云孔子所作漢代有郗氏袁氏說宋均

鄭玄並爲讖律之注文辭淺俗不類聖人之旨 北
史樊深撰七經異目三卷

漢六藝論 鄭志 又見後

鄭玄傳事第五元通京氏易公羊春秋三統歷九章
算術從張恭祖受周官禮記左氏春秋韓詩古文尚
書事馬融質疑義玄謂所好群書不得於禮堂寫定
傳與其人門人相與撰玄荅諸弟子問五經依論語
作鄭志八篇凡玄所注周易尚書毛詩儀禮禮記論
語孝經尚書大傳中侯乾象歷又著天文七政論魯
禮禘祫義六藝論毛詩譜駁許慎五經異義荅臨孝

存周禮難凡百餘萬言

謝承書不
言注孝經

經傳洽孰稱爲純

儒括囊大典網羅衆家

隋志

六藝論一卷鄭玄撰

唐志

聖證論十二卷王肅撰

唐志

鄭志十一卷

唐志
九卷

魏侍中鄭小同撰鄭記六卷

唐志

玄弟子撰

魏志

孫叔然授學鄭玄之門人王肅集聖證論以機短玄

叔然駁而釋之

肅規鄭元數千百條馬昭劾肅短詔
遺博士張融按經問詰 記正義聖

證論馬昭引穀梁
傳以荅王肅之難

王基傳散騎常侍王肅著諸經傳

解及論定朝儀改易鄭玄舊說而基據持玄義常與

抗衡 吳虞翻奏鄭玄所注五經違義尤甚者百六

十七事

晉范甯考先儒經訓而長於玄傳授生徒

專以鄭氏家法。唐元行冲曰：康成於竄伏之中，理
紛拏之典，雖存探究咨謀，靡所具鄭志者，百有餘科。
劉子女曰：鄭弟子追論師注及應對，謂之鄭志。又
鄭志目錄記鄭所注五經之外，有中候書傳七政論
乾象曆六藝論毛詩譜荅臨頌難禮駁許慎異義發
墨守箴膏肓及荅甄子然等書。鄭之弟子分授門徒
各述師言，更不問荅，編錄其語，謂之鄭記。趙商作鄭
先生碑銘。公羊疏鄭君允作六藝論訖，然後注書。
通監外紀引鄭玄六藝論曰：遂皇之後，歷六紀九
十一代，至伏羲始作十二言之教。方叔機注曰：九頭

紀一五龍紀五攝提紀七十二合洛紀三連通紀六
序命紀四凡九十一代六藝論曰易者陰陽之象天
地所變化政教所生自人皇初起詩禮記左氏穀
梁公羊疏曲禮玉藻正義引六藝論宋均孝經緯
注引鄭六藝論叙孝經云玄又爲之注

漢四經

賈逵傳建初元年入講古文尚書左傳又條奏左氏
大義撰歐陽夏侯古文齊魯韓毛詩同異八年元十二月
成乃詔諸儒選高才生受左氏穀梁春秋古文尚書
詩由是四經遂行於世皆拜逵所選弟子及門生

爲千乘王國郎朝夕受業黃門學者欣欣羨慕 紀

建初元年十二月戊申詔見上 儒林傳序雖不立

學官然皆擢高弟爲講郎給事近職所以網羅遺逸
博存衆家 古文四十六卷爲五十七篇毛詩二十
九卷又故訓傳三十卷左氏傳三十卷左氏微二篇
公穀二家之經十一卷穀梁傳十一卷外傳十篇章
句三十三篇

漢五經異義

儒林傳許慎字叔重博學以五經傳說臧否不同撰

五經異義又作說文解文十四篇說文引用經傳
多與經文不同

鄭玄傳駁許慎五經異義 唐志許慎五經異義十

卷

隋志

鄭玄駁

齊志隋禮儀志引異義

書禮疏

史記正義引異義及鄭玄駁 堯典九族異義夏侯

歐陽

云云

鄭玄駁

史記注引鄭玄駁異義

禮記

正義案異義公羊說古春秋左氏說許慎案治魯詩

帝玄成治易施肇等說引外傳曰五王之樂可得觀

乎鄭駁之云

異義今孝經說云云

王藻疏異義淳

于登說明堂 樊儵以識記正五經異說 隋辛彥

之撰五經異義一部

漢五經大夫

博士

見官制

五經師

見

小侯學

祭遵傳博士范升稱遵曰建爲孔子立後奏置五經大夫

鄭氏九書

唐會要劉子玄孝經注議曰晉中經簿周易尚書尚書中候大傳毛詩周禮儀禮禮記論語凡九書皆云鄭氏注名玄至於孝經則稱鄭氏解無名玄二字春秋緯演孔圖云康成注三禮詩易尚書論語其春秋孝經別有評論

鄭引圖讖皆謂之說易緯曰易說書緯曰書說嫌引

三才卷四十二
三百二十七
祕書

魏六藝課試法

高堂隆傳景初中帝以蘇林秦靜等並老恐無能傳業者乃詔曰先聖餘教著於六藝六藝之文禮又爲急今宿生巨儒並各年高教訓之道孰爲其繼昔伏生將老漢文嗣以鼂錯穀梁寡疇宣帝承以十郎其科郎吏高才解經義者三十人從光祿勳隆散騎常侍林博士靜分受四經三禮主者具爲設課試之法文紀黃初五年四月立大學制五經課試之法

大學

初立樂詳拜博
士五業並授

魏畧黃初元年之後補舊石碑之

缺備學士之員錄依漢甲乙以考課

漢五經論 晉五經然否論

譙周傳撰

訓五經論古史考之屬百餘篇 秦

宓傳譙允南記錄其言於春秋然否論 隋志五經

然否論五卷晉散騎常侍譙周撰 後漢禮儀志注

引之

晉十九博士 太學石經

元帝紀大興二年六月置博士員五人四年三月置

周易儀禮公羊博士 志晉初承魏制置博士十九

人及咸寧四年武帝初立國子學定置國子祭酒博

士各一人助教十五人江左初減為九人元帝末增

儀禮春秋公羊博士各一人合為十一人後又增為

十六人不復分掌五經而謂之太學博士元帝立儒林祭酒官

以杜夷為之太元中增置太學生百人以車武子領國子博士荀崧傳元帝踐阼

召拜尚書僕射轉太常方修學校簡省轉置周易王

氏尚書鄭氏古文尚書孔氏毛詩鄭氏周官禮記鄭

氏春秋左傳杜氏服氏論語孝經鄭氏博士各一人

凡九人其儀禮公羊穀梁及鄭易皆省不置崧以為

不可乃上疏曰世祖皇帝經始明堂營建辟雍告朔

頒正鄉飲大射西閣東序河圖秘書禁籍臺省有宗

廟太府金墉故事太學有石經古文先儒典訓賈馬鄭杜服孔玉何顏尹之徒章句傳注衆家之學置博士十九人猶選張華劉實居太常之官以重儒教伏聞節省之制皆三分置二博士舊置十九人今五經合九人准古計今猶未能半今九人之外猶宜增四宜爲鄭易置博士一人鄭儀禮春秋公羊穀梁博士各一人帝詔可共博議者詳之議者多請從崧所奏詔曰穀梁膚淺不足置博士

梁天監四年正月置五經博士各一人

晉五經通論

東晉傳著五經通論

晉五經同異評

儒林傳徐苗字叔胄爲儒宗作五經同異評 隋志
梁有五經異同評一卷賀瑒撰 北史張鳳著五經
異同評十卷

晉五經音訓

儒林傳徐邈博涉多聞孝武延儒士謝安舉邈補中
書舍人侍西省雖不口傳章句然開釋文義標明指
趣撰正五經音訓學者宗之 又注穀梁
隋志徐邈

五經音十卷 左傳正義晉宋古本序在集解之端

徐邈定五經音訓爲此序作音

晉五經鈎沉

隋志五經鈎沉十卷

唐志同

舊唐志云鈎深

晉高涼

一作

太守

楊方撰

書目

十卷晉高涼太守楊方撰

崇文目方作芳

自

序云晉太寧元年撰鈎經傳之沉義著論難以起滯

崇文目云篇第亡缺今缺五篇

晉五經大義

隋志五經大義戴逵撰三卷後周樊文深撰十卷何

妥撰五卷

南史

沈文阿撰經典大義十八卷

隋志十二

卷 陳王元規續經典大義十四卷

齊巾箱五經

南齊書衡陽王鈞手自細書寫五經部爲一卷置於巾箱中以備遺忘曰於檢閱既易且一更手寫永不忘諸王爭効巾箱五經自此始

梁五經講疏

梁書武帝撰五經講疏使孔子祛閱群書爲義證釋乾坤文言

張譏袁憲與焉

簡文於玄圃述武帝所製

五經講疏

後魏五經疑問

後魏書房景先作五經疑問百餘篇王神貴益之名

爲辨疑合成十卷 常爽述六經畧注以廣制作

隋志梁有五經咨疑八卷 周楊撰

唐志法家邯鄲

綽五經折疑三十卷 初學記引之

隋諸經議疏 六儒

儒林傳南北所治章句好尚不同 江左周易則王弼

書則孔安國左傳則杜元凱河洛左傳則服虔書易

則鄭康成詩並王毛禮同遵鄭南人約簡得其英華

北學深蕪窮其枝葉高祖遵問道之儀觀釋奠之禮

博士磬傾河之辨侍中竭重席之奧研覈異同渙焉

冰釋二劉 焯炫學通南北博極今古所製諸經議疏

摺紳咸師宗之

焯有五經述議句多所是非

賈馬王鄭所傳章

卷春秋毛詩述議皆四十卷論語述議十卷春秋攻

味十卷孝經述議五卷尚書述議二十卷注詩序一卷後魏常爽

開皇初召山東義學之士馬光張

仲遜孔籠竇士榮張黑劉祖仁授太學博士時人號

為六儒

開皇五年四月乙巳詔召山東馬榮伯等六儒

五經決錄

文中子十四代祖述著春秋義統六代祖元則

仕宋

述時變論六篇其言化俗推移之理竭矣煥述五經

決錄五篇其言聖賢製述之意備矣虬北事魏述政

大論八篇其言帝王之道著矣彥述政小論八篇其

言王霸之業盡矣。傑述皇極讜義九篇，其言三才之
去就深矣。隆述興衰要論七篇，其言六代之得失明
矣。今皆亡子謂董常曰：吾欲修元經，得皇極讜義焉。
欲續詩，得時變論焉。欲續書，得政大論焉。

唐十九家經解

藝文志經解類十九家二十六部三百八十一卷。失姓名一家

劉向五經雜義七卷，通義九卷，要義五卷。

許慎異義十卷。

鄭玄駁

譙周然否論五卷，楊方鈞沉

十卷。

晉人

楊思咨疑八卷。

隋志咨疑

元延明宗畧四十

卷。

隋二十卷

劉炫正名十二卷。

並五經

沈文阿經典玄儒

大義序錄十卷

隋二卷

班固等白虎通義六卷鄭玄六

藝論一卷鄭志九卷鄭記六卷王肅聖證論十一卷

隋二卷梁武帝孔子正言二十卷

梁武帝撰五經講疏及孔子正言

簡

文帝長春義記一百卷樊文深七經義綱畧論二十

卷

隋志二十九卷

又質疑五卷張譏游立桂林二十卷

隋志九卷

南史二卷謚法三卷

荀顛演劉熙注

沈約謚例十卷賀

琛謚法三卷

隋志云賀瑒五卷

集天名稱三卷陸德明經典

釋文三十卷顏師古辨繆正俗八卷不著錄十家一

百二十七卷始於趙英五經對訣終於劉鎔經典集

音有劉迅貺張謚帝表微裴僑卿高重王彥威慕容

宗本諸家 中興且二十一家四百八十四卷 續
目三家十六卷

唐十一類經錄

志甲部經錄其類十一易書詩禮樂春秋孝經論語
識緯經解小學凡著錄四百四十家五百九十七部
六千一百四十五卷不著錄一百一十七家三千三
百六十卷

舊志十二類以小
學訓詁分爲二

隋志班固列六藝爲

九種或以緯書解經合爲十種凡六藝經緯六百二
十七部五千三百七十一卷通亡書合九百五十部
七千二百九十卷

唐五經正義 五經義訓 義贊

志周易正義十六卷

國子祭酒孔穎達顏師古司馬才章王恭馬嘉運趙乾叶王談

于志寧等奉詔撰四門博士德

趙弘智覆審

尚書正義二十卷

孔穎達王德韶

李勣志寧行成等二十五人覆審無

忌勣志寧行成等二十三人刑定

毛詩正義四十卷

穎達德韶齊威撰

禮記正義七十卷

穎達朱子奢李善信賈公彥柳

士宣苑義頽張權等撰

賈公彥禮記正義八十卷儀

禮疏五十卷周禮疏五十卷春秋正義三十六卷

穎達

楊士勣朱長才撰馬嘉運等四人覆審

楊士勣穀梁疏十二卷

孔穎

達傳初穎達與顏師古司馬才章王恭王琰受詔撰

五經義訓凡百餘篇號義贊詔改為正義雖包貫異

家爲詳博其中不能無冗繆

孔陸正義釋文自多背馳

博士馬嘉

運駿正其失至相詆譏

嘉運正觀十一年拜太學博士以正義繁釀故倚撫其疵當世

諸儒服其精

有詔更令裁定功未就永徽二年三月詔中

書門下與國子三館博士弘文館學士攷正之於是

尚書左僕射于志寧右僕射張行成侍中高季輔就

加增損四年三月書始下

二三月一日

會要正觀十二年

國子祭酒孔穎達撰五經義疏一百七十卷

政要云一百八

卷十名曰義贇有詔改爲五經正義

一本云初太宗以師說多門章句繁

雜命孔穎達與諸儒撰五經疏名五經正義

太學博士馬嘉運每倚撫之

有詔更令詳定未訖而卒永徽三年三月十四日詔

太尉趙公無忌等刊正四年三月一日進之正義表永徽四

年二月二頒于天下以為定式凡書二十卷詩四十

卷易十六卷春秋三十六卷二禮共百二十卷舊

史貞觀七年十一月丁丑頒新定五經于天下永徽

四年三月壬子朔頒孔穎達五經正義於天下每年

明經依此攷試儒學傳貞觀中廣學舍千二百區

吐蕃高麗等群酋並遣子弟入學鼓箏踵堂凡八千

餘人帝又仇正五經謬缺頒天下示學者與諸儒會

粹章句為義疏俾久其傳律疏序云近代已來兼經注而明之謂為義疏疏者

宋朝端拱元年三月司業孔維等校五經正義

百八十卷五月四日鏤板

孔維表云貞觀中祭酒孔穎達考前代之

文採衆家之說隨經析理去短從長

用功二十餘年書成一百八十卷歐陽脩以爲

晉宋而下師道漸亡各爲箋傳附著經文唐太宗始
命名儒撰定正義著爲定論凡不本正義者謂之異
端則學者之宗師百世之取信也然所載旣博所擇
不精多引纖緯之書異乎正義之名欲詔名儒取九
經之䟽刪去讖緯之文然後經義純一無雜

人目爲說兩漢之俗也舉天下宗一說唐傳䟽之學也

唐經典釋文

志陸德明經典釋文三十卷

第一卷序錄

舊史德明撰

經典釋文三十卷老子疏十五卷易疏二十卷太宗

後閱德明經典釋文甚嘉之賜家帛二百段一本云貞觀十

六年四月甲辰太宗閱德明經典音義其弘益學者賜其家布帛百匹易古文書毛

詩周禮儀禮禮記三傳孝經論語老子莊子爾雅等音

合為三十卷三帙內老子釋文一卷序曰楚夏聲異南

北語殊搜訪異同撰集為六經三傳釋文先儒舊音

多不音注然讀注不曉則經義難明德明乃并注音

之占人音書止為譬况孫炎始為反切志又有劉鎔

德興集音三十卷

校定釋文見離正五經類

集賢注記有敕依文字音義改撰春秋毛詩莊子音

張九齡奏校理官呂證撰春秋音義鄭欽說撰毛詩音義甘暉衛包撰莊子音義

見小學類

晁說之曰古人訓詁緩而簡故其意全雖數十字而同一訓雖一字而兼數用

唐五經博士

官志五經博士各二人正五品上以其經之學教國子易書詩左氏春秋禮記爲五經論語孝經爾雅不立官附中經而已

會要太和七年八月九日

庚寅

置五經博士一人

冊皇子畢下詔

國子監請秩比國

子博士開成元年宰相領祭酒鄭覃奏請給祿四年

二月定爲五品 舊紀開成元年五月庚申判祭酒

宰臣覃奏太學新置五經博士各一人請依王府官

賜祿粟

覃傳云請太學五經經置博士祿廩此王府官 一云八月巳酉覃兼祭酒

唐開元詳定傳注四書 又見孝經

會要開元七年三月一日敕孝經尚書有古文本孔

鄭注旨趣頗多踏駁令諸儒質定奏聞六日詔曰孝

經獨宗鄭氏孔氏遺旨今則無文又子夏易傳近無

習者輔嗣注老子亦甚甄明諸家所傳互有得失其

令儒官詳定所長令明經者習讀四月七日左庶子

劉子玄上孝經注議曰孝經非玄所注其驗十有二

條行孔廢鄭於義爲允今俗所行老子河上公注序
云漢文帝時人以所注老子授文帝因冲空上天乃
不經之鄙言案漢藝文志注老子者三家河上所釋
無聞焉豈如王弼注義旨爲優又案漢志易有十三
家而無子夏作傳者至梁阮氏七錄有子夏易六卷
或云韓嬰作或云丁寬作豈非後來假憑先哲臣竊
以鄭氏孝經河上老子二書訛舛不足流行孔王兩
家實堪師授伏見去月十日敕令所司詳定四書得
失云云臣議請行王孔二書國子祭酒司馬正議曰
孝經注縱非鄭氏所作而義旨敷暢近儒妄作孔傳

偽作閨門一章近俗之語請鄭注孔傳依舊俱行河
上憑虛立號漢史實無其人然其注以養神爲宗無
爲爲體辭近理弘王輔嗣理暢旨微請王河二注俱
行又案劉向七畧有子夏易傳但此書不行已久今
所存多失真本荀勗中經簿云子夏傳四卷或云丁
寬作是先達疑非子夏矣隋志子夏傳殘缺梁時六
卷今二卷其書錯謬無益後學不可帖正經五月五
日詔曰間者諸儒所傳頗乖通議崇孔學者異鄭門
之息滅尚今文者指左傳爲誣僞河鄭二家可令仍
舊行用王孔所注傳習者稀亦存繼絕之典子夏傳

逸篇令帖易者停 劉子玄傳嘗議孝經鄭氏學非
康成注舉十二條左證其謬當以古文爲正易無子
夏傳老子書無河上公注請存王弼學宰相宋璟等
不然其論奏與諸儒質辯司馬貞等阿意共黜其言
請二家兼行惟子夏易傳請罷詔可

唐五經文字 九經字樣

見讎正五經

唐五經微旨

會要建中元年十月濠州刺史張鎰撰五經微旨十
四卷孟子音義三卷上之 **志** 經解類張鎰五經微

旨十四卷

鑑又撰三
禮圖九卷

唐詳校九經

會要正元二年七月秘書監劉大真上言請擇儒者
詳校九經於秘書省令所司陳設及供食物宰臣錄
其課效從之尊阻衆議寢不行

唐六經法言 五經法言

韋處厚傳穆宗立處厚爲翰林侍講學士以帝冲怠
不向學與路隋合詩書易春秋禮孝經論語掇其粹
要題爲六經法言二十篇上之龔助省覽帝稱善並
賜金幣集序云
賜金紫 舊史韋處厚傳穆宗荒怠乃銓擇

經義雅言以類相從爲二十卷謂之六經法言獻之
高宗帛銀器仍賜金紫路隨傳與韋處厚同入翰
林爲侍講學士採三代皇王興衰著六經法言奏之
高宗元龜云賜錦綵銀器賜賜遷官

會要長慶二

十四月癸未翰林侍講學士韋處厚路隨撰五經法

言二十卷上之

表曰魏稱皇覽梁著通四各類中有修
文之作江左有壽光之書但夸術於

見開非垂
美理本

志儒家類六經法言二十卷韋處厚路

隨撰李襲譽五經妙言四十卷鄭澣經史要錄二十

卷

唐六經要言 諸經纂要

唐書東坡年補

崔郾傳敬宗嗣位郾自侍講學士進中書舍人謝曰

陛下使臣侍講歷半歲不一問經義臣無功不足以

引厚恩帝曰朕少間當請益高鉞適在旁因言陛下

樂善而無所諮詢天下之人不知有嚮儒意帝重咎

謝賜錦幣與高重類六經要言為七篇上之以使觀

省敬宗置侍講學士甚艱其選高重以簡厚淳正佳

志郾皆預國寶曆元年為學士山學士遷中書舍人儒家類諸經纂要十卷崔郾會要寶曆元年

月高重崔郾進纂要一卷舊史郾與高重抄撮

言要道區外事類凡十卷名曰諸經纂要

易覽賜錦綵銀器

易覽

唐白氏經史事類

志類書白氏經史事類三十卷白居易撰一名六帖

居易著事類集要三十部合一盛均十三家帖以白

氏六帖未備而廣之卷亡元稹類集三百卷集古今刑政之

書中興書目居易採經傳百家之語摘其英華以

類分門悉注所出卷帙名氏於其下孔傳亦有六帖

合爲一書皇朝陳紹重廣六帖學林三十卷紹

興中陳天麟類班史爲前漢六帖十二卷

唐九經師授譜

常表微傳見春秋類志一卷宋朝李燾著五經

康熙二十六年刊

傳授尚書 篇圖各一卷 崇文總目有授經圖二

卷

唐經史要錄

鄭澣傳文宗時入翰林爲侍講學士帝使稗擷經史
爲要錄愛其博而精試舉諸條擿問之隨卽酬析無
留咎因賜金紫服舊史云以十九書
語類親自發問 藝文志鄭澣
經史要錄二十卷 儒家

唐經史釋題

志目錄類李肇二卷

崇文總目同書
目釋文題三卷

序云經以學

令爲定以藝文志爲編史以史通爲準各列其題從

而釋之

唐微言注集

志經解類裴僑卿二卷開元中鄭縣尉上之

唐六說 六經外傳

志劉迅六說五卷劉貺六經外傳三十七卷

經解類

傳迅續詩書春秋禮樂五說書成不以示人 書

目迅作六書以繼六經標作書之誼而著其目惟易

闕而不叙

一本云劉迅著書以擬六經此乃其叙篇唯易闕而不言故止五卷

唐五經類語

志經解類慕容宗本十卷

大中時

李適傳誤九經

要句

唐五經妙言

志儒家李襲譽四十卷

唐諸經義樞

尹思貞撰諸經義樞續史記皆未就

端拱校五經正義

見讎正五經

咸平校定七經疏義

見讎正五經

書目劉敞七經小傳五卷雜釋詩書

春秋周禮儀禮禮記論語七經劉彝七經義一百七

十卷 有易無儀禮

景德二年龍圖閣經典閣總三千三百四十一卷目錄三十卷正經三百一十四卷經解千三十五卷訓詁四百九十五卷六月庚寅國子監上新刻公穀傳周禮儀禮正義印板先是後唐長興中雕九經板本而正義傳寫踏駁太宗命刊校雕印而四經未畢上遣直講王煥就杭州刊板至是皆備十月甲申賜輔臣親王周禮儀禮公穀傳疏

祥符九經餘義

實錄祥符五年正月癸未以懷安軍鹿鳴山人黃敏

書目黃敏求為本軍助教敏明經術嘗著九經餘義四百

九十三篇會要無三字轉運使滕陟一作涉以其書上進帝

命學士晁迥等看詳迥等言所著撰可採故特有是

命會要書目一百卷崇文目同注疏之外言其餘義凡

四百九十有四篇總九經兼孝經論語

胡旦演聖通論七十二卷論六經傳注得失易十六

書七詩十禮記十六春秋論別行晁氏志四十九卷博辨精詳學者

焉

皇祐五經精義 天聖經典微言

皇祐三年 詔楊安國等以五經正義節解

爲書令先撰序及名丁酉安國等請名曰五經義宗
精義樞要詔以五經精義爲名十二月己亥御延和
殿安國等上五經精義序進讀畢賜茶而退辛丑降
付邇英閣四年六月壬寅延和殿侍講學士上五經
精義周易節解二十卷十一月甲寅御邇英閣侍論
上尚書解節三十卷五年四月癸卯上禮記解九十
卷十月一本十月甲寅上春秋節解八十卷仁宗又命
侍讀丁度等修纂五經精義周易節解度等言詩書
函服及春秋賊亂皆舊所不講令去留係上旨上曰
先王吉凶之制百代所遵不可以俗忌而簡去春秋

喪亂之事皆有善惡鑒戒人主所宜知也亦當存之
又曰先儒於經籍有一字之誤者朕未嘗有所改易
以正經之義而刪去邪又神宗實錄盧士宗在經筵
撰五經精義上之詔藏史館 天聖初孫奭掇五經
功治道者爲五十篇號經典徽言上之 實錄五十卷
又撰五經節解

皇祐之前寫尚書無逸於屏則景祐二年正月也
叔勸講春秋則寶元二年也曾公亮講詩於慶曆之
五年王洙講易於至和元年

紹興三經義辨 辯學

紹興五年六月三日己巳起居郎朱震言故龍圖閣
學士楊時所著三經義辨請令本家抄錄投進

書

目三經義辨十卷辨王安石書詩周禮三經義之失
是歲三月庚子王居正進辨學七卷四十二篇詔送

秘省

時居正爲
兵部侍郎

紹興六經圖

書目六卷紹興中布衣楊甲撰乾道中毛邦翰復增
補之易七十書五十有五詩四十有七周禮六十有
五禮記四十有三春秋二十有九合爲圖三百有九

乾道四經解

九年閏正月二十三日敷文直學士胡銓言聖訓令
臣進所解諸經今先繕寫周易周禮禮記春秋四經
解詔令投進 紹興十六年九月吳沆進群經正論
四卷

康成注禮與其書易相偕元凱解傳無係毛鄭詩文
心誦腹藏壁扁岩鏞濟秦之險以通於漢者萬無一
二 訓故之病黨枯護朽守缺保殘有不非鄭服之
陋無是正左班之忠 詩熄轅韓禮興后戴易有無
咎悔亡之脫經存郭公夏五之疑齊論多於魯論舜
典合於堯典 邪釋繆解正漫真淪

禹貢行河以春秋斷獄以三百五篇諫六經之用
果止於是歟是自夫子旣成六經之後尚爲未試之
書也

鄭康成注二禮引易說書說樂說春秋說禮家說孝
經說皆緯候也河洛七緯合爲八十一篇河圖九篇
洛書六篇又別有三十篇七經緯三十六篇易緯稽
覽圖乾鑿度坤靈圖通卦驗是類謀辨終備書緯琬
璣鈴考靈曜刑德放帝命驗運期授詩緯推度災沴
歷樞含神務禮緯含文嘉稽命徵斗威儀樂緯動聲
儀璿耀嘉汁圖徵孝經緯援神契鈞命決春秋緯演

孔圖元命包文耀鉤運斗樞感精符合誠圖孝異郵
保乾圖漢舍孽佑助期握誠圖潛潭巴說題辭又有
尚書中候論語識在七緯之外按李尋有五經六緯
之言蓋起於哀平至光武篤信之諸儒習爲內學隋
焚其書今唯易緯存焉正義多引識緯歐陽公欲取
九經之疏刪去識緯之文使學者不爲怪異之言或
亂然後經義純一其言不果行

又見困學紀聞